

元遺山詩集箋注

元遺山詩集箋注卷四

烏程

施國祁北研箋

蔣炳枕山校

七言古詩

讀青山雪中

案本集有己亥讀青山雪時東籬有月詩知此詩當亦是年作詩云前年紫駟歸不得即趨無銘復來東州之意又

云去年中途脚無力即通仙記十二月初吉事又知去年尚在濟源也詳十三卷注

前年望歸歸不得去年中途脚無力殘生何意有今年突兀
家山墮眼前東家西家百壺酒主人捧觴客長壽先生醉袖
挽春迴萬落千邨滿花柳山靈爲渠也放顛世界幻入兜羅
綿似嫌衣錦太寒乞別作玉屑妝山川人言少微照鄉井準
備黃雲三萬頃何人辦作陳瑩中來與先生共炊餅

陳先生貶官後登京

師入書云南州有何事今年好雪明年炊餅大耳

兜羅綿

翻譯名義兜羅綿或名如羅綿如羅樹名綿從樹生因而立名如柳絮也

主人

長吉

少微

晉書天文志少微四星在太微西

題商孟卿家明皇合曲圖

案孟卿為商衡子名挺詳本集平叔銘千秋錄

海棠一株春一國燕燕鶯鶯作寒食千古萬古開元日三郎
擲管仰面吹天公大笑噴不得寧王天人玉不如番綽樂句
不可無宮腰不按羽衣譜疾舞底用牧豬奴風聲水聲闕清
都夢中令人羨華胥何時却竝宮牆聽不恨將身作李謫

三郎

鄭嵎津陽門詩注內中皆呼上為三郎

清都

列子清都紫微鈞天廣樂帝之所居

華胥

又黃帝夢游華胥氏之國

過晉陽故城書事

日知錄太原府在唐為北都唐書地理志云晉陽宮在都之西北宮城周二千二百五十步崇四丈

八尺都城左汾右晉潛邸在中長四千三百二十一步廣三千一百二十
二步周萬五千一百五十三步其崇四丈汾東曰東城東觀十一年長史
李勣築兩城之間有中城武后時築以合東城宮南有大明城故宮城也
宮城東有聖義堂倉城中有受瑞壇舊日規模之壯壯可見自齊神武創
建別都與鄴城東西並立隋煬帝修宮室唐高祖因以克關中有天下則
天以後名為北都五代李氏石氏劉氏三主皆興于此及劉繼元之降宋
太宗以此地以為創始之府又宋主大火有參辰不兩盛之說于是舉
而焚之矣宋史太宗紀太平興國四年五月庚子以榆次縣為新并州乙

未築新城丙申幸城北御沙河門樓盡徙餘民于新城遣使督之既出卽命縱火丁酉以行宮爲平晉寺產游老學庵筆記大宋太平興國四年平太原降爲并州廢舊城徙居于榆次今太原則又非榆次乃三交城也城在舊城東北三十里亦形勝之地本名故軍又嘗爲唐明鏡有晉文公廟甚盛平太原後三年帥潘美奏乞以爲并州從之以是徙晉文公廟以廟之故址爲州治又徙陽曲縣于三交而榆次復爲縣然則今之太原府乃三交城而太原縣不過唐都城之一隅耳其遺文舊跡一切不可得見○中州集元德明太原古城惠明寺塔秋望詩西山萬古壯陪京一日汾流入廢城浩浩市聲爭曉集昀昀原隰但秋明晉公老去詩仍在越石亡來恨未平千尺浮圖暮煙底瓦盆濁酒爲誰傾

惠遠祠前晉溪水翠葉銀花清見底水上西山如臥屏鬱鬱蒼蒼三百里中原北門形勢雄想見城闕雲煙中望川亭上闕今古但有麥浪搖春風君不見繫舟山頭龍角禿白塢一摧城覆沒薛王出降民不降屋瓦亂飛如箭鏃汾流決入大夏門府治移著唐明邨只從巨屏失光彩河洛幾度風煙昏東闕蒼龍西玉虎金雀觚稜上雲雨不論民居與官府僊佛所廬餘百所鬼役天財千萬古爭教一炬成焦土至今父老

哭向天死恨河南往來苦南人鬼巫好機祥萬夫畚鍤開運
岡官街十字改丁字釘破并州渠亦亡幾時卻到承平了重

看官家築晉陽

薛王

北漢世家繼恩本姓薛父劍娶劉崇女晉初為護聖營卒漢祖典禁兵以劍崇
增館門下漢祖後領方鎮位通顯劉罕得見其妻居常挾執一日乘醉求見引

佩刀刺妻妻奮衣得脫劍乃自劉繼恩時幼漢祖令釣養為子遂冒姓劉汾決宋史
又云繼元本姓何初薛劍死崇以女再娶何氏生繼元何允鈞亦養為子

紀開寶二年二月親征太原三月得南城謂汾水可以灌城唐明又太宗紀太平興
命築長堤建之閏五月戊申繼元水注城中上遂登堤觀

南為高陽關徙金雀西京賦上觚機祥呂氏春秋荆人十字北史李唐傳劉家
并州治唐明鎮後而棲金爵機祥鬼而赴人機

南家廟碑陰殷夫人居
十字街西北壁第一宅

蟾池

案詩指南渡近侍局使也○宣紀興定五年三月丙申諭宰臣曰今奉
御奉職多不留心采訪外事今宜預為致嚴之法以激勸之○抹擦盤

忠傳盡忠奏庶奉完顏燕蘭可為近侍局宣宗曰近侍局例往本局人及
宮中出身雖以他流過或不和盡忠曰若給使左右可止注本局人既預

政固宜慎選宣宗曰何謂預政盡忠曰中外之事得議論訪察即為預政
矣宣宗曰自世宗章宗朝許察外事非自朕始也如請調當私授除不當

臺諫不職非近侍能察何由知之盡忠乃謝罪參致德升繼之曰臣當與
選其人宣宗曰朕於庶官姑嘗不愆有外似可用而實無才力者視之者

忠孝而包藏悖逆者滿察七斤以刺史立功驟升顯貴細懷異志滿鮮萬
奴委以遠東乃復肆亂知人之難如此朕敢輕乎衆以滿察五斤爲公幹
乃除副使衆以斜烈爲淳直乃用爲提點若烏合論石虎乃汝等共舉之
朕豈不盡心故德升曰比來訪察聞決河隄水損田禾等語之皆不實上
曰朕自今不敢問若輩外間事皆不知朕幹何事但終日默坐聽汝等所
房矣方朕有過汝等不諫今乃面討此豈爲臣之義哉德升亦謝罪紇石
烈執中之誅近侍易嘗先事敗之遂以爲功陰策朝政高琪託此輩以自
固及盡忠德升面責愈無所忌未幾德升罷相盡忠下獄自是以後中外
蔽隔以至于亡○僕散安貞傳興定五年六月甲寅朔尚書省奏安貞謀
叛宣宗詔門頃因近侍悉露姦謀蓋虞前後罪之上聞廻以金玉帶而夜
獻初安貞破斬州獲宋宗室不殺而獻之遂以爲罪安貞憂譏以賄近侍
局乃以質成其誣○訛可傳訛可之死人有冤之者初訛可以元帥奉旨
於邪徑鳳翔往來防秋奉御六兒監戰於訛可爲孫行而訛可動爲所制
意頗不平漸生猜隙七年九月召赴京師六兒謂訛可奉旨防秋而乃畏
怯避遠正與朝旨相違及河中陷力盡不守竟杖而死六兒先入之言主
之也○歸潛志南渡之後近侍之權尤重蓋宣宗喜用其人爲耳目以伺
察百官故使其奉御輩採訪民間號行路御史或得一二事卽入奏之上
因竊責臺官漏洩皆抵罪又方面之柄雖委將帥又差一奉御在軍中號
監戰每臨機制變多爲所牽制輒遇敵先奔故其重多喪敗又金朝近習
之權甚重置近侍局于宮中職雖五品其要密與宰相等如舊口中書故
多以貴戚世家恩倖者居其職士大夫不預焉南渡後入主尤委任大抵
視宰執臺部官皆若外人而所謂心腹則此局也其局官以下所謂奉御
奉職輩本以傳詔旨供使令而入主委信反在士大夫右故大臣要官往
往曲意奉承或被命出外帥臣郡守百計饋餽蓋以其親近易得也此曹

膏膏梁子弟惟以妝飾體樣相夸齊面鏡黃鞍馬衣服鮮整朝夕侍上迎
合詔媚以遠樂導人主安其身又沮壞正人招賄為不法至于大臣退黜
百官得罪多自局中御史之權反在其下矣其後欲收外望頗雜用士人
完顏伯陽居之不疑餘亦罷又于臺部令史選舉職數人又于進士中亦
選一二人充備其人既入局中則趨進舉止言亦未聞有正言補益者且
此費本僕役之職士大夫處之可羞而二三子泰然自以為榮亦陋也

老蟄食月飽復吐天公一日頻年瞽下界新增養蟄戶玉斧
誰憐修月苦郡國蟾池知幾所碧玉清流水僊府小蟾徐行
腹如鼓大蟾張頤怒於虎渠家眉間有黃乳膏梁大丁正須
汝何人敢與月復讐疾過池頭不容語向來屬私今屬官從
今見蟄當好看爬沙卽上青雲端

老蟄

史記龜策傳曰為德而君子天下歸于

一目

盧全月蝕詩云此時怪事發有
物吞食來當天一搭如煤始此

月太陰精與天作眼行光則此眼不自保天公行遠河由行傳聞古老說蝕月蝦蟆精
徑聞千里入汝腹汝是蝦蟆阿誰生須與蝦蟆精兩吻自決拼初蟬半箇壁漸吐滿輪
晚修月西陽雜俎大和中王季才游崑山迷路忽叢中見一人眼熱呼起問所自其
人笑曰君知月乃七寶合成乎月勢如丸其影口樂其凸處也常有八萬二

千戶修之其即一數

爬沙

韓愈月蝕詩爬沙脚手
因開襟見其蟄數事

爬沙

韓愈月蝕詩爬沙脚手

贈答張教授仲文

秋燈搖搖風拂席夜聞嘆聲無處覓疑作金莖怨曲蘭畹辭
元是寒蟬月中泣世間刺繡多絕巧石竹殷紅土花碧窮愁
入骨死不銷誰與渠儂洗寒乞東坡胸次丹青國天孫縹緲
天女織倒鳳顛鸞金粟尺裁斷瓊綃三萬匹辛郎偷發金錦
箱飛浸海東星斗涇醉中握手一長嗟樂府數來今幾家剩

借春風染華髮筆頭畱看五雲花

七言長詩于中獨一句九言
韋郎有此劍長吉亦有此劍

蘭畹

見容齋
四筆

東坡

蘇本集新軒樂府引云樂府不難作從東坡放筆後便難作又
云坡以來山谷晁无咎陳去非辛幼安諸公俱以歌詞取稱蓋

先生樂府踵習蘇辛以豪放爲
宗故此答詩亦與新軒引同意

金粟尺

杜甫詩
蜀錦金粟尺

辛郎

案此指辛
棄疾稼軒

高門關

通志河南府永
寧縣有高門關

高門關頭霜樹老細路千山萬山繞亂餘邨落不見人霰雪
霏霏暗清曉莘川百里如掌平閑田滿眼人得畊山中樹藝

亦不惡誰遺多田知姓名許李申楊竟何得只今唯有石灘

聲許致忠楊湯臣申伯勝李仲常名宦四家應
盧氏時以多田推之亂後俱不知所往矣

許致忠

歸潛志許國至忠懷州人少擢第有能名性閑淡不銳仕進居盧氏西山
下不赴調數年復召爲南京鹽稅庫使領家貲市書後告歸閑閑諸公多

重之子常至其家敝衣糲食環堵蕭然蓋清苦之士
也未亂病卒○淦水集有擬陶和許至忠詩二首

申伯勝

中州集申萬全字伯
勝高平人少有聲太

學中貞祐二年乙科調福昌簿不赴隱居盧氏山中以讀書爲業作詩有靜功然不多
見也正大中召爲史館編修從行省嶺山南征道中有詩云回首秋風謝敝屣崎嶇又
復逐戎車人生行止元無定一輩江湖經所如不數日溺死人以爲諺云○歸潛志申
編修萬全字伯勝高平人與其兄無移伯福俱擢第伯勝爲人沈重不妄交好經學勤
勤君子儒也嘗爲鄭縣令愛民愼獄不爲赫赫邑民便之後召入史館俄攝監察御史
應奉翰林居京師朝歸閉門講誦不出親時事不愜意屢欲以母老歸未果也正大末
爲南伐行臺辟掌書檄至淮上大兩府行溺水死士論惜之趙開闢爲文以祭哀甚初
伯勝在太學與雷文希顏及于先君同舍相善先君常稱其爲人後入朝先君已下世
予因得從游爲文亦典雅有體○
中州劉景元有寄申伯勝詩三首

甲辰秋洛陽得黃葵子種之南庵明年夏六月作花

佛經所謂閻浮檀金明靜柔軟令人愛樂者此花

可以當之因爲賦長韻余方以病止酒故卒章及

之

證類本草黃葵似蜀葵別是一種夏未開花淺黃色葉心下有紫褐色且開千收暮落亦號側金盞花○本集九卷并花詩注庚子歲南庵賦

芳蕤溫露嬌黃淫五疊湘裙輕襲積晨妝午醉一口間白白
紅紅總狼籍上陽宮女要頭冠摹寫雖工破的難看來明淨
復柔軟花中乃有間浮檀千里移根洛陽陌主人不飲誰看
客乞與金杯自傾側明年為渠當舉白

上陽宮女

白居易上陽白髮人詩注天寶五載後楊妃專寵六宮有美色者輒置別所上陽其一也

馬嶺

仙人臺高鶴飛度錦繡堂傾去無路人言馬嶺差可行比似
黃榆猶坦步石門木落風颼颼僕夫衣單望南州皋落東南
三百里鬢毛衰颯兩年秋

予去歲往河南遷奉亦取黃榆嶺路

黃榆

本集五卷有下嶺詩

皋落

案河東北路平定州樂平縣舊名皋落

雲峽

并序

君璋啟事西涼占對稱首其還也行臺公以宣和寶石爲

貺奇秀溫潤信天壤間之尤物君璋因之曰雲峽邀詞客

賦詩余亦同作

元史王王汝傳字君璋鄆人少習吏事金末遷民南渡王汝奉其親從間道達行臺嚴實人居鄆將王汝爲豫史稍遷補行臺

令史郎律楚材道東平守之叛授東平路奏差官以事至京師游楚材門待之若家人父子然汝汝以東平地分封諸勳貴裂而爲十各私其入與有司無相屬王汝曰若是則嚴公事業存者無幾矣夜夢哭於楚材帳後明日召問其故曰王汝爲嚴公之使今嚴公之地分裂而不能救止無面目還報將死此荒寒之野是以哭耳楚材惻然良久使詣帝前陳懇王汝進言曰嚴實以三十萬戶歸朝廷崎嶇兵間三棄其家室幸無異志豈與他降者同今裂其土地析其人民非所以旌有功也帝嘉王汝忠款且以其言爲直由是得不分封然居土與贈東平主事王王汝詩云聖主方恩治邊臣未奉行憑君達此意無得負蒼生○本集新樂府有飲東原王君璋郎中家南鄉子詞

石盆清冷貯秋水水面蒼煙飛不起一堆寒碧几研間寶氣

崢嶸插箕尾中山雪浪空影像長安鷓鴣猶紉綺枉著奇章

甲乙中槁項纔堪把畊耒不知天壤此尤物鬼刻神刻通有

幾薰蒸似欲出泉脈盤滑定應凝石髓剝裂雲華漬月秋辛

苦詩仙贊摹擬車箱箭筈連西東仇池百穴聽玲瓏飛墮不
嫌靈鷲小奇探已覺太湖空故都喬木今如此夢想熙春百
花裏膏血網船枯九州亡國愁顏爲誰洗主人天質粹以溫
天然與山作知聞退食從容北窗臥今古起滅眞浮雲仙人王
予可賦

石涼有石裂變

華清月秋之句

雪浪

蘇軾石詩畫師爭摹雪浪勢天工不見雷斧痕

詩仙

中州集王子可傳字南雲吉州人年三十許大

惚事其題崑山石涼云石裂雲華清月秋蓋石涼之石其狀若湖五其高有五六十尺者石之文如蟲蝕大如太古錢籀奇峭秀潤一一在潭水中親到其處知詩爲工也

車箱箭筈

杜甫詩車箱入谷無歸路箭括通天有一門

仇池

筆談蘇軾云僕所藏仇池石希代之寶王晉卿以小詩借觀意在子壽熙

春

歸潛志南京同樂園故宋龍德宮正大末北兵入河南京城作防守計官盡燬之其樓亭材大者則爲樓櫓用其湖石皆鑿而爲砲矣迄今皆廢區遺址所存者熙春一

閣耳蓋其閣皆杉木柱飾上下無土泥雖欲毀之不能世豈復有此良匠哉

綱船

宋史朱勔傳徽宗垂意花石蔡京諷勔語其父密取浙中珍異以進初致黃楊

三本帝嘉之後歲歲增加然歲率不過再三貢貢物才五七品至政和中始極盛舳舻相銜于清江號花石綱嘗得太湖石高四丈載以巨艦役夫數千人所經州縣有拆水

門橋梁毀城垣以過者既至賜名神運昭功石案地志長岳作昭功敷慶神運石

雲巖

并序

觀州倅武伯英崞縣人少日舉進士有詩名其賦剪燭刀
有啼殘瘦玉蘭心吐蹴落春紅燕尾香之句甚爲時輩所
稱家故饒財第宅園亭爲河東之冠貯書有萬卷樓嘉花
珍果悉自他州移植爲人多伎巧山水雜畫斲琴和墨皆
極其工嘗得宣和湖石一窾竅穿漏殆若神劖鬼鑿炷香
其下則煙氣四起散布柴水上濃澹霏拂有煙江疊嶂之
韻吾鄉衣冠家法書名畫及藏書之多亦有伯英相上下
者伯英獨恃寶石以擅奇汾晉間耳興定末伯英歿於關
中楊戶部叔玉購石得之壬辰圍城中以示余且命作詩
危急存亡之際不暇及也乙巳冬十一月來東平過聖與
張君之新軒而此石在焉聖與名之曰雲巖余問石所從

來聖與言夏津王帥得之汴梁泥塗中而以見貽余因歎
一物之微經歷世變遷徙南北乃復爲好事者之所寶玩
似不偶然乃爲詩道其故聖與三世相家以文章名海內
其才情風調不減前世賀東山晏叔原故卒章以蕭閑明
秀峰故事屬之

壺中九華玉孌顏紫煙著水往復還小窗虛明澹相對不數
漢宮銅博山會稽禹穴深無底寶石偷來定山鬼一堆寒碧
殊不凡滿谷春雲更堪喜阿欣秀發見眉宇小杜才情淪骨
髓摩挲不作几上看繚白紵青便千里渾沌日鑿餘空嵌漏
天蒸濕繞風嵐世外元無種香國海內真有補陀巖觀州愛
玩頻漸後民部平生幾薰沐藏舟夜壑未厭深竟作新軒坐
中物一天星月入金尊翠射娉婷自有人只欠宣和鄭先覺

爲君畱寫五湖真

觀州

地志河北東路景州大安間更爲觀州

嶧縣

地志河東北路代州嶧縣

楊叔玉

已見三卷注

張聖與

案

與號新軒工樂府見本集樂府引又續夷堅志夢松詩金獅猛說皆聖與事

夏津

地志大名路大名府夏津縣

賀東山

宋史賀鑄傳字方回

博學強記工語言深婉麗密如次組繡尤工于度曲常言筆端壓使李商隱溫庭筠常奔命不暇自哀歌詞名東山樂府

晏叔原

宋晏殊傳字同叔文章醇

麗應用不窮尤工詩閑雅有情思

蕭閑明秀峰

案中州集蘇松年傳字伯堅鎮陽別業有蕭閑堂自號蕭閑老人中州樂府松年有江城子詞

云半年無夢到春溫可憐人幾黃昏想見玉梅風度更清新翠射娉婷雲入尺誰爲寫五湖真先生注云公詩有八尺五湖明秀峰又云十丈琅玕倒水玉明年爲寫五湖真

正用此詞意

壺中九華

蘇軾詩序湖口人李正臣蓄異石九峰玲瓏宛轉若窻櫺然于名之壺中九華以詩紀之

種香

吳地記香山在吳縣

吳王種香于此

補陀

黃庭堅詩海岸孤絕處補陀落伽山

鄭先覺

圖繪寶鑑鄭天民字先覺宣和中爲郎官山水師巨然

劉遠筆

陵川集題筆行贈劉遠詩云輕風吹衣研滴乾胸中有思如湧泉此時正賴手錐子束縛贈我森戈鋌遶東黃貂健且圓得法自

遠源也傳巫閭山色來幽燕鴨湖巨浸涵中邊貯雲停霧道且堅鷄距一束雄子掾宜城必須試誠懸山谷枉道能三錢雖云好手必利器〇〇〇

要三者全近聞清秋十萬騎長槍潤劍凌霜天何如明窓淨几執此對聖賢搖搖風雨一萬字現廟日月三千篇元氣萬象歸幹全

老麋力能舉玉杵文陣挽強猶百鈞惜哉變化太狡獪嚮也

褐衣今虎文宣城諸葛寂無聞前後兩劉新冊勲謝郎神鋒
恨太雋雖然豈不超人羣三錢雞毛吐皇墳尖奴定能張吾
軍何時酌我百壺酒爲汝醉草垂天雲

狡獪變化事
見麻姑傳

諸葛

東坡題跋宣州諸葛筆擅天下
久矣縱不甚佳者終有家法

尖奴

北史古弼傳魏太武怒弼曰尖頭奴敢
裁量朕蓋古弼頭尖故常名之曰筆公

張軍

韓愈詩詩成使之
寫亦足張吾軍

贈周良老

于公斷獄多平反高門大車在乃孫我居聊城欲二載喜見
周叟醇而溫十年大理書上考宜有陽報如子門大兒書來
問安否兵饑不死天所存鄭孫毛骨殊秀發寶氣鬱鬱含朝
暎機聲嘔啞聒朝昏種瓠五石當酒尊是翁福祿知未艾昆
弟和樂連株根白髮阿兄應念我南雲寂寞賦招魂

上考

唐書選舉志流外官
以清謹勤公爲上考

瓠五石

莊子今子有五石之瓠何
不慮爲大樽而浮于江湖

阿兄

案南冠引
云益之兄

遊在襄漢
當指此

鴻溝同欽叔賦

劉郎著手乾坤了未害與渠分九州
夸兒衣繡自楚楚作計
豈復西鴻溝雌雄自決已無策
尺寸必爭唯上流韓生已死
言猶在千載令人笑沐猴

西鴻溝

史高祖紀項羽分天下割鴻溝以西者爲漢以東者爲楚

沐猴

語見韓信傳

雪中自洛陽還嵩山

道人薄有塵外緣
迫入塵埃私自憐
三十六峯一茅屋
夢裏西家掠社錢
津津喜色見眉宇
峩峩青城當眼前
蹇驢徑入風煙去
恰是梅花欲雪天

祖唐臣愚庵

中州集王脩齡黃葉行送祖唐臣歸柘縣詩○本集十卷
挽母詩十四卷遺冊詩○詩前集祖唐臣愚庵序云鶴臺

祖君唐臣命其居室曰愚庵因以自號既經埃亂流寓河朔非復庵中主人矣猶爲題榜以求詩文于士大夫嗚呼萬物有其實而後得其名實無

何為名何從生吾國不可誣而名則欲其正也今先生才敏而學明行高而業精蓋世所謂聲且知者而顯如此稱是祖德以資指謂為淫也無乃乘戾而不合乎人情耶且先生安靜寡慾不事聞達與物無競而物亦莫之撓不必嫉邪憤世如柳宗元遠害全身如霍武子果何取乎此也意者直出于至謙故與古之君子其德甚盛則其心愈謙其責已也重其取名也廉雖有軟絮絕俗之資而自視歆然常若不及此其謙尊而光卑而不可踰者善而無伐所以為顏氏聖而不居所以為孔子其與浮躁銜露急于人知虛而為盈處之不疑者豈可同日語哉先生于是乎過人遠矣丙申春二月潯南遺老王某序

小智胠篋盜所羞大智移國鬼與讐浮生匹絹兩孟粥心計

擾擾知何求青州荊州兎三窟古人今人貉一丘喚起羅池

柳夫子與君同醉訾家洲

胠篋

莊子將為胠篋探囊發匱之盜而為守備則必鑿鐵膠固扇鑄此世俗之所謂知也

移國

哀江南賦大盜移國

青荊兎窟

國策

馮煖曰狡兎有三窟又見晉書王夷甫傳

羅池

韓愈碑羅池廟者故刺史柳侯廟也

訾家洲

柳子厚桂州訾家洲亭記署之右曰離水水之中曰

訾氏之洲

過井陘

地志河北西路威州井陘縣

北山亭亭如驛堠南山眈眈虎翹首土門東頭望井陘漢家
風雲自奔走市人豈識英雄材金鼓一朝天上來此山行人
萬萬古幾不磨滅隨蒿萊白鹿祠前一杯水蒼顏聊爲洗塵
埃

土門

元和郡國志恒州井陘縣井陘口今名土門口

北岳

中州集趙閑閑有謁北岳詩

太茂維嶽古帝孫大朴未散真巧存乾坤自有靈境在地位
豈合他山尊中原旌旗白日暗上堦樓觀蒼煙屯誰能借我
兩黃鵠長袖一拂元都門

太茂

韓琦安陽集定州重修北岳廟記云天下之岳五獨北之常方人目之爲太茂山而岳名不著

元都

毛京經云元都在玉京山有七寶城

天涯山

本集南山行記云野宿天涯山

九州上游推大鹵獨恨山形頗椎魯天涯一峯今日看快似

昂頭出環堵何年氣母此融結鬼鑿神鏡未奇古八窗玲瓏
 透朝日洞穴慘澹藏雷雨苔花錦石粲可喜乞與雲煙相媚
 嫵半空擲下金芙蓉想得飛來自元圃傳聞絕頂更靈異云
 是清都羣王府五雲飛步吾未能風袂泠泠已輕舉東州死
 愛華不注向在陋邦何足數敬亭不著謝宣城斷岸何緣比
 天姥酒船何時朝復暮倒卷滄沱浣塵土喚起山靈槌石鼓
 漢女湘妃出歌舞詩狂他日笑遺山飯顆不妨嘲杜甫山有石鼓神祠
 大鹵左傳晉有大鹵之地注地不生物也元圃水經注崑崙之山三級中曰元圃一名閼風羣王府穆天子傳北征東還乃循黑水
 至于群玉之山先敬亭謝眺游敬亭山詩茲山亘百里台杏與雲齊又白居易詩再喜宣城章句動飛鸞遙駕敬亭山天姥寢宇
 燒山在剡縣南八十里謝靈運詩墮投剡中山明登天姥岑飯顆唐本李詩李白才逸氣高律詩殊少故戲杜云飯顆山頭逢杜甫頭戴笠子日卓午借問別來
 人瘦生總為從前作詩苦蓋識其拘疎也

智仲可月下彈琴圖

續夷堅志雞澤神變云智仲可說○元明善廉公神道碑云薦智仲可參綜府事題所居堂曰

止公退即與諸儒講學。身大義焚香鼓琴夜分乃息。元名臣事略李德輝行狀。歲丁未用故太保劉公薦徵至潛藩。俾侍皇太子講讀。薦故翰林侍讀學士。資懋宣撫司參議。智廷賢皆就徵。案廷賢或即仲可乎。

莫春舞雩鼓瑟希琴語解吐胸中奇誰言手揮七絃易大笑
虎頭真絕癡北風蕭蕭路何永流波湯湯君自知三尺絲桐
儘堪老兒童休訝鶴書遲

揮絃

稽康詩目送歸鴻手揮五絃世說顧長
康論畫云手揮五絃易目送歸鴻難

鶴書

北山移文鶴書赴龐注蕭子良
家諫文體曰鶴頭書與傷波書

俱召版所用

常山妖生四十月能搦管作字筆意開廓有成人之

量喜為賦詩使洛誦之

廣韻妖音吟與廷同少陵有戲簡韋大
少府誦妖詩退之人曰城南登高詩云

子妖亦可從。本集善人白公書表云
男孫五人曰常山尚幼案郎柳判之子

大兒小兒舞商羊東家西家捉迷藏牙牙作羣雁雁行是中
乃有常山郎常山嬌嬌可憐蟲四歲未有三歲強黑鷹破殼

自神駿黃犢放脚須跳梁只知見紙即塗抹誰謂轉腕能低
昂渠家兩公破天荒劉輝夢靈果專塲榮鄉亭中詩版在岐
山名字香山香此郎晚出西樞房虎穴虎子不可當天驚地
怪見落筆便合抱送中書堂文星煌煌照燕南青青子衿滿
恒陽教官連被鳳尾諸瑞物多生金粟岡兒曹變化不作難
何必二十始乖張明年作字一丈大當有稜角垂光芒迴頭
卻看元叔綱鼻涕過口尺許長

常山白寓齋第三子叔綱遺山之季子也

舞商羊

家語孔子曰此鳥名商羊水祥也昔兒童屈一腳

迷藏

致虛雜俎明皇與玉真恒于皎

月之下以錦帕覆目在方丈

可憐蟲

企喻歌辭男兒可憐蟲出門懷死憂

黑鷹

杜甫詩黑鷹不省人間有渡海疑從

北極

黃犢

又詩憶年十五心尚孩健如黃犢走復來

跳梁

莊子子獨不見狸狌乎東西跳梁不避高下

破天荒

唐撫言荆南解

北號天荒大中四年劉蛻舍人府解及第時崔魏公作鎮以破天荒錢七十萬資蛻

劉輝

夢溪筆談嘉祐中士人劉輝為險怪語歐公主文惡之幾被黜後公為御史考官而蛻在庭是時試舉解性之賦有曰靜可延年獨高五帝之壽動而有男形榮為四罪之誅公大稱賞為第一及唱名乃劉幾人有識之者曰此劉輝也易名矣

鄉亭

本集白公表明昌官學之盛公二子擢高科取美比邦人築亭以榮鄉名之

鳳尾諾

南史齊江夏王傳年四歲好學書每晨與不肯拂

意塵而先畫塵上學爲書字五歲清

元叔綱

宋本集白公墓表爲辛亥作先生時年六十有二文云常山尚幼與此詩

帝使學鳳尾諾一學卽工帝大悅

題云四十月相去無幾叔綱之年亦必相若考新樂府二卷有新添小兒子字以羽陽朝中指詞句云說甚河東三鳳又三卷有兒子阿中百碎日定風波詞句云六十平頭年運好大兒都解把鉏犁阿齡扶路阿中隨則叔綱可定爲還山六十所舉初字羽陽又字阿中且卽墓銘之次總而爲尚書都省監印者也

贈利州侯神童

生十四月識字余見時生二十一歲字無算。地志北京路利州

牙牙點妝杏蕾紅阿兄抱之來學宮今春學語語未正已能

見書識名姓隨指隨讀無數重多生想會文字中極知之無

不足訝更恐洛誦難爲功土中松粒龍爪脫萬牛丘山起毫

末君不見黃金寶鼎翡翠青未要春官許衣鉢人間失却麻

神童明星煌煌出蒼龍只知江陵圖籍盡一火誰謂死草生

華風遺山老子未老在見汝吐焰如長虹

兒字金鼎

之無

白樂天事見本傳

洛誦

莊子副墨之子聞洛誦之才故多

萬牛

杜甫古柏行大厦如傾要梁棟萬牛

同首上

山重

衣鉢見聞錄范質舉進士主司受其才以第十三登第語

麻神童

中州集麻

徵君九疇傳字知幾吳州人三歲識字七歲能草書作大字有及數尺者故所至有神童之目章廟召見問汝入宮殿中亦懼怯否對曰君臣父子也子軍懼父耶上大奇之明昌以來以神童稱者五人太原常添壽四歲作詩云我有一卷經不用筆寫成展開無一字晝夜放光明合河劉滋文榮六歲有詩云鶯花新物態日月老天公劉微伯祥七歲被旨賦鳳皇來儀新恩張漢臣世傑五六歲亦召入賦元如素羅扇張云前赴消不得移向月中裁其後常隱居不出餘三人者皆無可稱道獨知幾能自樹立一日名重天下耆舊如關公且以微君目之而不名也餘詳常君銘

死草華風

長青句

奚官牧馬圖息軒畫

史楊邦基傳字德懋華陰人父紉宋末為易州佐易州來降綽被殺邦基年十餘歲匿僧舍中

得免天眷二年登進士第大定中為秘書少監再遷秘書監能作文善畫山水人物尤以畫名當世云。中州集楊秘監邦基傳字德茂文筆字畫有前輩風調世獨以其畫比李伯時云。拙軒集題張運使夢境圖云畫工豈識夢中詩他日須煩息軒畫

曹韓畫樣出中秘燕市死骨空千金息軒筆底真龍出凡馬

一空無古今安閑自與人意熟瀟灑更覺天機深奚官有知

應解笑世無坡仙誰賞音

曹

名畫記曹霸魏曹髦後開元中已得名天寶韓又韓幹大梁人王右丞見其畫末每詔畫御馬及功臣官至左武衛大將軍

韓

遂推獎之官至太府寺丞善寫

人物尤工鞍馬初杜甫詩斯須九重真龍出真龍一洗萬古凡馬空笑官蘇軾詩老彭笑官騎且

紫微劉丈山水為濟川賦學古錄福州總管劉侯墓碑云侯諱齊字濟川姓劉氏世為大名人在金時常

顯官而事軼不傳所以名知者義軍千戶暉而已義軍生權府思子兵問沈鷺善騎射金亡挺身歸朝案濟川為阜昌孫碑云事軼不傳蓋諱之也。新樂府有劉濟川來別同宿會康慶與予過田家飲行及太原作此為寄濟川阜昌諸孫在頤上時乃與伯玉知幾游從江城子詞云來鵲去燕十年間鏡中看各衰頽恰待蒙泉東畔買青山夢裏鄰村新醪熟攪竹杖欵柴關人生難得老來閒記清歡見君難長路悠悠回首暮雲還斷嶺不遮前望眼時為我一凭闌即此

畫家李范真勅敵方外只今誰第一自非劉宗祭酒阜昌孫
未信仙翁輕落筆長洲遠浦各清冷萬頃風煙一草亭千章
古木散巖谷鶴髮松姿餘典刑紙尾不須題姓字人人知是
老人星

阜昌孫畫史會要紫微劉尊師為齊諒之孫工山水人物案詩語錄孫指濟川非紫微也九成誤

王右丞雪霽捕魚圖晁元咎難助集云畫捕魚一卷或王右丞草也紙廣不充幅長丈許水波渺瀰洲渚隱隱見其

背岸木葭變向搖落草萋然始黃天慘慘雲而風人物衣裘有寒意蒼蒼江南初冬欲雪時也。○高似孫續略云予與徐洲子同點檢南宮出右丞捕魚圖一卷如元咎公所題者予曰此善摹者爲之徐不以爲然一日得一卷僅存三分之一徐圖葭葦之外意其爲水耳此特波濤浩渺水痕浪跡一一畢具人物尤精絕云。○周密雲烟過眼錄云司德用進所藏王維捕魚圖單行小直幅徽宗題前有雙魚龍印後有大觀政和二璽明昌七印上作古木余如李成所作下作數舟沿溪取魚甚佳。○張丑清河書畫舫周敏仲新裝王維雪霽捕魚圖一絹本淺絳色後有珩惟志仇遠白珽張雨等七跋雖未敢定爲真右丞決非宋元畫史可及

江雲淠淠陰晴半沙雪離離點江岸畫中不信有天機細向樹林枯處看漁浦移家媿未能扁舟蕭散亦何曾白頭歲月黃塵底笑殺高人王右丞

高人

杜甫詩不見高人王右丞藍田邱壑漫寒藤

跋酒門限邵和卿醉歸圖

邵伯祿之父

邵翁頭白甫三十高吟大醉無虛日風流若似靖南湖每恨聞名不相識太平邨落自由身童稚扶攜意更真醉歸圖上

見顏色喜溢眉宇猶津津好著蹇驢馱我去與君同醉杏園春

靖南湖

案南湖名天民字達卿涇陽人詳五卷詩

張彥寶陵川西溪圖

地志河東南路澤州陵川縣

松林蕭蕭映靈宇
燦石流金不知暑
太平散人江表來自訝
清涼造仙府不到西溪四十年
溪光林影想依然當時膝上王文度
五字詩成衆口傳忽見畫圖疑是夢而今塵土浣華顛

本送字令改作浣字陵川在太行之巔蓋天壤間清涼境界也江淮太平散人題詩東顧二廟目謂已造仙府恨居民不知其樂耳此縣先君子南泊襄游西溪僕以重子侍焉彥寶出此圖求賦詩感今懷昔爲之怡然故篇中有及癸丑十一月三月題

王文度

世說王藍田愛念文度雖長大猶抱著膝上

汝州倅韓君德華其十祖二世相遼封魯公故名其伯男子曰魯王父命氏古蓋有之余過其家命魯

出拜謂余言魯名矣而未有字敢以爲請余字之

世公德華曰願終教之乃申之以辭

遼史韓延徽傳字藏明幽州安次人

事太祖守政事令崇文館大學士太宗朝封魯國公世宗朝遷南府宰相應歷九年卒贈尚書令葬幽州之魯郭世爲崇文令公子德樞爲南院宣徽使門下平章事加開府儀同三司行侍中封趙國公保寧元年卒孫紹芳重熙間參知政事加兼侍中○史文藝傳韓昉字公美燕京人仕遼累世通顯昉天會末拜參知政事善爲文長於詔冊作太祖廟德神功碑當世稱之○地志南京路汝州○德華見前二卷

昌黎諸韓散盧龍魯公相遼開邑封雁行先後六侍中大參高文紀神功龜石穹窿與天終百年故家餘素風汝州有子今成童攷古制名龜筮從貴以道義飭汝躬良璞不治凡石同貞而絕俗孰子容濟質以文介而通碩雖宗起其起宗魯也不慚袁氏公

宗起

魏紀後魏主重門族薛氏不許入郡姓薛宗起應對明白乃入郡姓帝曰卿非宗起乃起宗也

壬子冬至新軒張兄聖與求爲兒子阿平制名余名

之曰琥以仲耽字之小字明復有善禱之義焉詩

不工當令阿耽灑落誦之

聖與見前○秋澗集張德輝行狀張新軒子琥已結婚無以成禮分

俸以給又孟母三遷圖卷贈新軒子張聖與詩云孟母三遷養聖功芬芳千古振高風披圖欲識願齋意人道神交管鮑同

阿平玉雪絕可憐皎如鶴雛下青田呼來拜客挽不前啼聲

如聞過秦篇陳王人門漢韋賢新軒文筆尤翩翩大弔掛壁

誰使然我知一經會有傳元默之冬客須城問平之年纔五

齡廼公爲兒求制衣兒名從虎玉與并仲耽爲字以字行佛

書舊說無空青豈知空青今有形紫公紫公還我明看兒著

脚青雲平

青田

晉永嘉郡記有沐溪去青田九里此中有二白鶴年年生子長大便去

大弔

韓愈詩大弔挂壁何由彎

韋賢

漢書本傳字長孺爲鄒魯

大儒徵

元默

爾雅太歲在壬曰元默案此爲壬子年

須城

地志山東西路東平府須城縣

世宗御書田不伐望月婆羅門引先得楚字韻

中州集司馬朴

字文季溫公之猶子工書翰有晉人筆意興陵萬機之暇常購其遺墨
之○王灼碧華漫志曰不伐才思與方侯雅言抗行不問有則慙又方侯
雅言政和初召試補官置大晟樂府製撰之職新廣八十四調忠誠典傳
雅言請以盛德大業及禎祥事跡制詞實譜有旨依月用律月進一曲自
此新譜稍傳時出不伐亦供
太常樂家謂樂府得人云

瑤光樓前按歌舞桂樹秋香月三五白頭誰解記開元四海
歡聲沸簫鼓兩都秋色皆喬木三月阿房已焦土天上亦有
別離情可是因郎心獨苦承平舊物霓裳譜寶氣暉暉映千
古銀橋望極竟不歸滅沒燕鴻下平楚

瑤光樓

鄭嵎津陽門詩瑤光樓南皆紫禁梨園仙宴臨花枝注樓即飛霜殿北門

兩都

山谷

銀橋

神仙感遇傳明皇玩月羅公遠

取杖擲之化爲大橋行數十里至大城公遠曰此月宮也

送崔夢臣北上

子真抱關買臣負薪朝奏暮召名動縉紳此有志之士所
以自奮於昌辰者邪夢臣崔卿玉樹清姿士門華胄成童

授學與雞俱興肆筆成書倚馬可待雖泌水之洋洋堪樂
舜門之穆穆方開惜歲月之虛捐欲雲霄之坐致遇順風
而縱大壑其孰禦之登金馬而上玉堂在此行矣詩以勸
駕序寧闕乎癸丑二月望日新興元某序

并州書郎年少客細馬金鞭日三百生平意氣凌青雲未怕
天山雪花白西園此日盛徐陳鳳閣鸞臺氣象新由來草創
資潤色况復天造須經綸他日南歸吾未老與君同醉晉溪
春

玉樹

杜甫歌宗之瀟酒美少年皎如玉樹臨風前

大壑

聖主得賢臣願與乎若鴻毛之遇順風沛乎若巨魚之縱大壑

西園

曹植詩清夜游

西園飛蓋相追隨

徐陳

典論今之文人廣陵陳琳孔璋北海徐幹偉長

送王彥華

中朝名勝龍山冀喜色門闌得佳壻一朝天府効驅馳萬里

青雲在平地金粟岡頭俊造多莫從人品問如何迂齋受學
青衿日殷重遺山爲拊摩東國人倫吾豈敢只憑月旦決巍
科

龍山冀

中州集冀馬錫傳字京父龍山人

迂齋

又迂齋先生周馳字仲才濟南人經學出于醇德先生王廣道時學出于泰山李時亨至于

趙又其忘年友也資性古雅而以襟量見稱大定中仕太學願以策論魁天下試亦頻中監元家素饒財鄉人強以子弟從之學所得束脩皆散諸生之貧者貞祐之兵濟南陷不肯降攜二孫赴井死鄉人葬之宅後之壽樂堂遼東人倫庚開府集陸大吳子英嘗從仲才學能記其所著亞夫獵王斗賦及他文數篇人倫庚開府集陸大倫東國月旦後漢許劭傳幼好敷論鄉黨人物每有道人月旦月旦後漢許劭傳幼好敷論鄉黨人物每有道人月旦月旦後漢許劭傳幼好敷論鄉黨人物每有道人月旦

李成之王彥華趙彥先以提學命見餉佳酒且求制

名輒以詩記之

子雲寂寞將誰親延之麤豪意自眞君家公壻兩冰玉酒味
自合清而醇雲腴俗士無風神紅珠女兒茜裙新一杯香絕
韻亦絕只今唯有醪醑春

寂寞

漢書雄傳京師語曰要寂寞自投閣爰清靜作符命

延之

南史顏延年傳帝問以諸子才能延之曰竣得臣筆測得臣文龔得臣義躍得臣酒

何尚之嘲曰誰得君

狂答曰其狂不可及

雲腴

蘇軾詩建溪新餅截雲腴

劉時舉節制雲南

元史世祖紀壬子六月奉命帥師征雲南七月丙午碼牙西行癸丑八月次臨洮遣使諭大理不果

九月壬寅次武刺分三道以進大將兀良合帶率西道兵由晏當路諸王抄合也只烈帥東道兵由白蠻帝由中道乙巳至滿陀城十月丙午次大渡河經行山谷二千餘里至金沙江乘革囊及筏以渡摩娑蠻主迎降地在大理北四百餘里十一月辛卯復遣使大理丁酉師至白蠻打郭蔡辛丑白蠻逆款十二月丙辰軍薄大理城大理主段氏微弱國事皆決于高祥高和兄弟帝既入大理獲高祥斬于姚州置大理王兀良合帶戍守以剗時中為宣撫使與段氏同安輯大理遂班師。兀良合帶傳寇宗即位之明年世祖以皇弟總兵討西南夷烏蠻白蠻與諸國以兀良合帶總督軍事其鬼蠻即赤禿哥國也癸丑秋大軍至金沙江分兵八寨罕章蓋白蠻也援之進師取龍首關却世祖入大理國城甲寅秋復分兵取附都善闡輔政合刺資水城屠之合刺章蓋烏蠻也。元文類程鉅夫平雲南碑國家繼天之極日月所照罔有內外雲南素漢郡縣也負險弗庭憲廟二年壬子世祖以介弟親王之重授鉅征九月出師十二月濟河明年春歷鹽夏四月出蕭關駐六盤八月絕姚踰吐蕃分軍三道先遣使大理招之十月過大渡河上由中道先進十一月渡瀘十二月傳其都城倚點蒼山西洱河為固與戰大敗城中宵潰明年春置大將兀良合帶援善闡進軍平烏蠻部落三十七

雲南山高去天尺漢家弦聲雷破壁九州之外更九州海色
澄清映南極幽并豪俠意功名咄嗟顧盼風雲生今年時後
印如斗過眼已覺烏蠻平諭蜀相如今老矣不妨銅柱有新
名

九州

史記孟子傳驕衍以為禹之九州不得為州數中國外如赤縣神州者九乃所為九州也有裨海環之

諭蜀相如

見漢書本傳

贈張潤之

許年不唱龍津第人物尤難到衰世明堂他日要榱桷造物
也須論蚤計晉人京賦例真淳兒能讀書知養親遺山門客
富儒雅綠髮張郎名姓新莫道琴工有師法海山深絕解移
人

潤之資其美故就其可效者而勉之他日學業有成老夫當以風鑒自負矣

龍津

郭璞客傲登降紛于九五淪溺懸乎龍津

人物

東坡句

榱桷

子虛賦其北則有陰林巨樹榱桷豫章

海山

琴操伯牙學琴

于成連成連曰吾師子春在海中能移人情乃與伯牙從至蓬萊山但聞海水
汨沒澎湃之聲山林宵異群鳥悲號愴然歎曰先生將移我情乃援琴而鼓之

許道寧寒溪古木圖

爲罨器之賦。聖朝名畫評許道寧河間人學李成山水林木初市樂于端門前人有贖者必

竇樹石兼與之無不稱其精妙由此有聲遂游公卿之門多見禮待相國張文懿公令道寧畫其居壁及屏風等深加賞愛作歌贈之道寧所長者有三一林木二平遠三野水皆造其妙圖畫見聞志道寧學李成始尚矜謹老年惟以筆畫簡快爲已任故峰巒峭拔林木勁硬別成一家體張文懿贈詩云李成謝世范寬死惟長安許道寧非過言也

道人醉袖蟠蛟龍掃出古木牙須雄開卷颯颯來陰風翟卿論畫凡馬空能知畫與詩同宗解衣盤礴非衆工遺山筆頭有關全意匠已在風雲中畱待他日不怱怱

盤礴

莊子宋元君將畫圖衆史皆至一史後至則解衣盤礴者曰是眞畫者也

送張書記子益從嚴相北上

并序

子益省郎觀國之光從公於邁楊雄詞賦良借力於吹噓鄧禹功名本無心於祿仕詩以送別亦以趣其歸云

故家人物饒奇俊聳壑昂霄今已信康侯畫接拜寵光百里

自應沾海潤六月貂裘風雪深天河天駟日駸駸莫把聲華

動臺閣東方書檄要陳琳

楊雄吹噓

漢書楊雄傳成帝時客有薦雄文似相如者。後漢郭泰傳謂孔公緒清談高論噓枯吹生。

鄧禹

後漢本傳光武謂曰我得專封

拜生遠來寧欲仕

聳壑

唐書房喬傳高季基名知人目喬當為國器但恨不見其聳壑昂霄耳

陳琳

三國志王粲傳陳琳字孔璋避

使典文章

贈別孫德謙

本集三十七卷靈泉序不期而至者德謙三十九卷答大用書孫德謙張夢符津送至魏京今東歸矣並是

津橋垂楊雪花白挽斷春衫苦畱客西湖一雨春意濃絕似
銅駝洛陽陌湖亭轟醉臥春風到手金杯不放空鵲山一帶
傷心碧羨殺孫郎馬首東

西湖

曾子固元豐類集西湖詩云喜有西湖六月涼納涼詩云十頃西湖照眼明雖齊州後詩云好在西湖波上月難放西湖十頃秋寄齊州同官詩云西湖一曲

舞霓裳蘇子由繞城集有和李誠之燕別西湖詩序又西湖觀捕魚食雞頭二詠案志

云大明湖在府城內西北隅一名西湖。香祖筆記濟南藩司署後臨明湖西偏即曾

子固集中所

云西湖也

汾亭古意圖

堯民羲皇去未遠日作日息天機全杜侯袖裏姑汾筆辦與
南華談宵然廢興知經幾今昔淳朴別有一山川白雲亭上
秋風客不比仙翁甲子年

元祐以來郭熙明昌泰和間張公佐皆年過八十而以山水擅名今雲中杜丈莘老與張郭年相若

而畫品不下古人為侯侯道作汾亭古意橫披灑然有塵外意為題四韻其後神仙張果生帝堯甲子年詩家亦傳習用之故末句有及

杜侯

即莘老見十
四卷寄詩

宵然

莊子宵然而
喪其天下

太原贈張彥遠

見本集十四卷江行八詠
圖詩三十八卷繫蛇笏銘

并州城邊十月末清霜稜稜風入骨因君夜話吳江春酒光
歟豔金杯滑閑閑騎鯨去滅沒當年愛君俊於鶻平生我亦
識翁人惆悵流年如電抹官家新築文昌臺蒼生不憂墮巔
崖眼看東閣奇士滿如君豈得藏蒿萊晨雞未鳴子當發明
星煌煌大於月野夫一笑冠纓絕

電林

蘇軾詩四十一
三年如電林
六昌臺
初學記尚書省光宅初更名文昌臺

換得雲臺帖喜而賦詩

秋澗集與叔謙太常論書詩其六云篆隸中追三代古風雲重策二王功遺山不見

裴見虎詩

雲臺託米雄

周官武臣奉朝請劍佩束縛非天真世間曾有華陀帖神物

已化延平津米狂雄筆照萬古北宗草書纔九人今日雲臺

見遺墨黃金牢鎖玉麒麟

華陀帖

續夷堅志米元章華陀帖二十八字靖康之變流落民間歷三四傳乃入趙王府王懼為內府所收秘之三十年無知者太和末都城闕道與文

士輩請仙元章降筆賞道因問先生華陀帖神迹超軼輝映今古汴京破失所在先生于平日得意書定知為何人所秘願以見告即批云當就越郡求之龐參軍才卿王妃之弟貫道以為言才卿請于妃果獲一見王薨于汴門禁隨廢文士得從王之子延密公遊往往見焉東坡夢社子美自解八陣圖謂書生氣習以此事樹非謬言

平津

晉書張華傳雷煥卒子華持劍過延平津劍忽于腹間躍出墮水

鹿泉新居二十四韵

唐書地志鎮州常山郡獲鹿縣漢石邑縣地隋置鹿泉縣天寶十五年更名地志河北西路

眞定府獲鹿縣興定三年升爲鎮寧州元地志眞定府獲鹿縣初爲西寧州吳郡草應集有題遺山鹿泉新居詩後又允素說李翥奏太行書

院先賢祠記
並見補載

土門西邊井陘渡野日荒荒下汀樹榆關石嶺都幾程客夢
往往迷歸路塵埃風雨半生過儘著筋骸支世故寧州假館
又兩年未保東來不西去山城百家家有山覲面呈山誰一
顧賣書買得呂氏園不謂全山舉相付北崖老作土灰色擁
腫形模一夸父娟娟正有小峨嵋卻立不容親杖屨就中抱
犢尤峭拔望見韓山卽攀附韓王砦頭四望闕全趙米如纔
數聚眼中麾蓋天上來泚水鼓旗紛偃仆漢家威靈萬萬古
石子連岡猶虎距夏秋衆壑會鹿泉浩浩湍聲瀉餘怒西南
諸峯不知數蕩海鯢鱸尻背露霏煙空翠有無中百態陰晴
變朝暮靈巖龍泉會一到獨欠封龍展衰步學仙不愛徐童
花李相書龕心所慕生平懷抱向山盡老氣崔嵬如有助巖

居枯寂朝市喧喧寂兩間差有趣得行固願畱不惡流坎且
當隨所遇何曾萬錢何用許方丈有山容下筇管城初無食
肉相黃帽非供折腰具明年高築野史亭天已安排看山處
多慙不及謝宣城標出敬亭天一柱

一本尚慙不及謝宣城標出敬亭天一柱在方丈有山容下筇之下

泚水

水經泚水東出房子城西北出白土即史記驪信新成安君處

靈巖

靈巖在敬亭山麓大定十四年立或疑是

龍泉

本

十卷有游

封龍

龍泉寺詩

下卷

詩

龍

王警龍山書院記

封龍山中

管

城

黃魯直云管

相黃帽折腰

杜甫詩黃帽狀青袍非供折腰具

過劉子中

新居

湛然居士集和劉子中韻序云蓬山散人劉子中願

諸詩云蓬山北海游理筆陳良謀徒步而南來意氣凌馬周食更亂德令如英不可一求子中育大志每甘跨下辱他日得從龍其鋒誰敵獨今日若之來非為十斗粟君子慎擇術痛恨陪全真調心正是安堪笑學鳥伸一日錯下脚黑却含酸辛平生大夢中不識庵中人一言贈吾子宗匠宜相親○本集七卷夢庵詩十九卷內翰表上谷劉

鄆州城隅雨茅屋巾聲喧喧自幽獨春風吹盡山杏花只有

青青一叢竹先生愛畫如惜玉練鵲翔鸞餘百軸大兒踉蹌挾書歸土銚疎煙繞一粥微官枉負半生閑也著區區簿領

閒何時卻與溪南老紫蓋山前共往還子中舊與溪南詩老辛敬之辭故有下句

練鵲國畫見開志李後主有織成大回鸞小同鸞及雲鶴練鵲墨錦襟飾踉蹌蘇軾詩大兒踉蹌越門限土銚杜甫詩土銚冷疎烟

東湖次及之韻中州集劉沼中濟字及之夏津人政是○案韓愈奉和號州劉使君三堂新題二十一詠其月臺詩云南館城

陰潤東湖水氣多○以下續編

西山山頭山月白倒影連漪舞寒碧竹溪花島要君詩醉墨幾番枯研滴東州佳處詩已盡矯首不知川路隔當年韓賈文章伯物色分畱到佳客此州何必減蘇州頻有詩人來列職一時人境偶相值萬古風流餘此席三堂風月今猶昔擬拂塵纓問投跡因君寄詩使君公卻恐他年厭求索

竹溪花島韓集有韓賈當指昌黎漢仙三堂韓序云號州刺史宅連水池竹林往往為亭臺島渚目其處為三堂

贈郝萬戶

本集有安肅先碑。元史郝和尚拔都傳太原人以小字行長通譯語善騎射辛卯授行軍千戶庚子進拜宣德西京太原

平陽延安五路萬戶易佩虎符戊申奉詔還治太原王子三月卒子天挺河南江北行中書省平章政事。郝天挺傳字繼先山子榮魯別族自會祖而上居安肅州父和上拔都魯太宗憲宗之世多著武功為河東行省五路軍民萬戶天挺英傑剛直有志略受業于遠山元好問以勳臣子世祖召見備宿衛春官。和潤集題郝氏世德碑後詩注云其嗣侯今為蜀省參政所謂和上萬戶者是也。本集二十卷次谷碑將葬五路萬戶郝丑和尚以行狀來請即此

阿卿袖中五色筆弦聲裂石雷破壁繡衣千騎東方來俊氣

崢嶸蜀山碧詩書義府無古今祭遵軍中亦歌吟密侯勳業

君自識計算不數韓淮陰莫有仁柔行儒雅朱輪畫轂見天

心鄧禹封高密侯

千騎

羅敷行東方千餘騎夫婿居上頭

祭遵

後漢本傳遵為將軍取士皆用儒術對酒設樂必雅歌投壺

王學士熊岳圖

案學士即王庭筠其曾祖永壽占籍蓋州熊岳縣詳黃華碑

洗參池水甜於蜜玉堂仙翁髮如漆膝前文度更風流盡卷

風流入詩筆長松手種欲摩天海岳樓空落照邊古來說有
遼東鶴仙語星星誰為傳五百年間異人出卻將錦綉裹山

川

文度

指繼子

海岳樓

中州集王汝玉題王元仲海岳樓詩十二朱欄倚半空元

橫陳詩卷裏雲濤飛動酒杯中謫
仙會有騎鯨便八極神游路可通

贈史子桓尋親之行

陵川集送太原史子桓序霜風呼沙陰霜曉天
拉直而號枯昏曉曉驚應道熾裂膚而靡卒
墮指者相望也宜乎墜言舉處以充天地之閉塞贊元冥之化育史夫子
胡為乎來哉其有蟬傳之急而郵檄之遽歟則宜有貂貉之重狐貉之溫
而夫子累乎其單也其有貴俠之游校獵之樂而衝風冒寒而出也歟則
宜夫腰金而宴鸞鳴弦而挾矢而夫子永背局春扶蹇而繼也其欲徒步
千里扣閭闔而振長策乎其欲搖吻於諸侯之上奔歷於權勢之路締從
連衡合闔而弭兵乎其欲瞻之利而戰寒暑於道路乎其欲苟富貴務
僥倖而以騎雲妾念者乎是數者皆世人之所奔競知愚之所共越外
寒暑而必為者也夫子有於是乎夫子之操之志以父之故而越險阻
犯霜雪跋涉山川履霜雪而不顧符口聚腸而不恤窮天地之所覆載
際日月之所照臨沒沒而進難而後已庶乎其一遇也嗚呼篤哉史夫
子乎犯霜雪之志則亦人寢冰之志也唯天福善應誠其亦必有遇也
已觀夫霜雪之塗肩寒而往來者或以勞或以利或以智出於一途而志

趣之異也如此則夫獨路一者不宜一以路人觀之也
未冬太原史子桓索父不遂過保下適燕都書此以贈

七十老翁頭雪白滿意晨昏
怨顏色兵塵瀕洞君不憂萬里
天心不相隔八月秋霖九月
霜破帽北風官路長瓜田故侯
貧且病愛莫助之徒自傷後
日書來聞吉語通家猶得似南
陽

元遺山詩集箋注卷四終

元遺山詩集箋注卷五

烏程

施國祁北研箋

蔣炳枕山校

雜言

去歲君遠游送仲梁出山

河汾詩賦革信之送杜仲梁東游詩云野馬何決驟飛雲何悠飄商巖不足稽

此老又欲東略宋與梁青山不知老白日乃許忙拘潭之水清冷淵野人飲之得長年芳醪不買壽淡泊差可久北山我我蒼翠巖丹崖石老生紫煙靈芝秋杞老霜骨黃精茯苓飽新齋望君新齋病以懶酌之食之可以還膚映況有劉荊州元丹邱子寧舍之汗漫游涼秋佳月酒一盃送子東下心徘徊半山亭前一茅屋歲寒霜勁君當來

去歲君遠游今年客他州青天萬古一明月只與行人生暮
愁問君游何許情多地遐兮徧處處金鞭斷折騏驎死萬里
長鴻思一舉憶初識子梁王臺清風入座無纖埃華嶽峯尖
見秋隼金眸玉爪不凡材西園日晴花滿煙五雲樓閣三山

巔玉樹瑤林照春色青錢白璧買芳年三年一夢南陽道汴
水迢迢入秋草挈雲心事人不知千首新詩怨枯槁破屋仰
見星疎衾風露清匣中有長劍為君鳴不平泥途久辱思一
濯去去舉足皆清冷鄧州大帥材望雄愛客不減奇章公軍
中宴酣笳鼓競銀燭吐焰如長虹幕中多士君又往談笑已
覺南夷空東州春迴十月後梅華分香入春酒平生得意欽
與京青眼高歌望君久浙江南下青汭汭石門細路蒼煙屯
五松平頭白日靜千山萬山如亂雲菊源不逐時事改芝嶺
自與商顏鄰他日相思一迴首漁舟時問武陵人

以微之
為徵

情多

韓愈感
春句

梁王臺

阮籍咏懷詩駕言發魏都南向望
吹臺蕭管有遺音梁王安在哉

華岳二句

少陵
句

青錢

李賀詩青錢
自註買無端

挈雲

又詩少年心
事當雲

鄧州大帥

即移刺延
玉詳七卷

笳鼓競

南史
曹景

宗傳房宗凱入賦詩云去時兒女悲歸來筋鼓競借問行路人何如盡去病

青眼

杜甫詩青眼高歌望吾子

此日不足惜

此日不足惜此酒不可無頗怪昌黎公亦復爲世儒天生至
神物與人作華胥一酌舌本強二酌燥吻濡三酌動高興四
酌色敷腴連綿五六酌枯腸潤如酥眼花耳熱後萬物寄一
壺十酌未渠央百觚亦奚拘人生一世間忽若過隙駒有酒
不解飲問君誰與娛君不見東家騎鯨李膽滿六尺軀萬言
黃石策八陣夔州圖酒酣起舞不稱意長吁青雲指夷吾又
不見西家紫髯郎老氣雄萬夫狂歌飲燕市擊筑聲嗚嗚倚
天長劍插少室頗欲四海皆東湖鷹揚虎視今焉如河山永
隔黃公壚銜杯直待秋井塌青苔白骨憐君愚少年覓計生
白鬢捫參歷井無危途榮不滿睫良區區就令一朝便得八

州督爭似高吟大醉窮朝晡餘名安得潤枯骨四十豈不知
頭顱此日不足惜此酒不可無太虛爲室月爲燭醉倒不用
春風扶

昌黎

韓愈詩此日足可
惜此酒不足嘗

眼花

太白

百觚

孔叢子堯舜千
鍾孔子百觚

騎鯨李

李長

紫髯

郎玉

張伯

井塌

杜甫詩忽憶兩時秋井
塌古人白骨生青苔

捫參歷井

李白蜀道難云捫參歷井
仰驚息以手撫膺坐長歎

八州督

晉書陶侃傳侃卒帝下詔曰都督荆江雍梁交
廣益寧諸軍事長沙郡公作詩于外八州肅清

餘名

列子楊朱篇餘
名豈足潤枯骨

四

十

東坡

太虛

唐書張志和傳嘗曰太虛爲字明月
爲獨與海內諸公共處未嘗少別也

送希顏赴召西臺兼簡李汾長源

昨日游崧丘今日西臺行勞生好夢亦大少枕中馬嘶車鐸
鳴山林之樂無虧成胡爲解蘭縛塵纓蒼生望君須一起我
知無地逃功名關中得君作金城氣象已覺西山平諸人誰
出仲卿右一座想爲相如傾風華浩蕩春冥冥馬頭仙掌遙

相迎長安市上見李白爲我一醉秦東亭

西臺

程大昌演藝錄高宗朝改門下省爲東臺中書省爲西臺尚書省爲文昌臺改御史呼南臺南朝亦同又武后朝御史有肅政之號當時亦謂之左臺右臺則

憲府未嘗有東西臺之稱也惟俗呼在京謂西臺在東都爲東臺按此言之御史惟一臺別自因事則東西南三稱爲別耳其言俗呼在京爲西臺者唐都長安于洛陽爲西而洛陽亦有西臺故長安馬嘶黃庭堅詩馬嘶車鐸鳴聲動不遑安解蘭北山移文昔聞投簪越海岸今見解蘭縛塵纓

蒼生

謝安事仲卿漢書王章傳妻呵之曰京師諸貴在朝廷人誰如一座漢相見本傳仲卿者今疾病困厄不自激昂乃反涕泣何也

一座盡傾

秦東亭

杜甫詩春光
淡迤秦東亭

嵩山玉鏡

地志南京路河南府登封縣有崧山

玉鏡見何許今且東山陞積雨洗昏霾旭日發光輝光輝奪人目灩灩如動移初如秋月圓漸如曙星微曙星不能久併與晨露晞此鏡何從來造化祕莫窺山精或寶氣恍惚令人疑誰爲問岳祇山川英秀會有歸不能生申與甫瑞王國萬丈光芒徒爾爲

虎害

史五行志元光二年十一月開封有虎害人又二年之中白日虎入鄭門○宣紀元光二年十一月開封縣境有虎啞人詔親軍百人射殺之

賞射獲者銀二十兩而以內府藥賜傷者

○十一卷玉華谷詩注時有虎害卽此

北山虎有穴南山虎爲羣目光如電聲如雷倚蕩起伏山之
垠百人一飽不留骨敗衣墜絮徒紛紛空谷絕樵聲長路無
行塵呀呀垂涎口耽耽闕城闌天地豈不仁社公豈不神哀
哀太山婦叫斷秋空雲可憐封使君生不治民死食民世上
無復裴將軍北平太守今何人

使君

述異記漢宜城守封邵一日化爲虎食郡民時語云無作封使君生來治民死食民

裴將軍

國史補云裴旻爲龍華軍使守北平多虎旻善

射一口斃虎三十一因憩山下有老父曰此皆虎似虎而非將軍若遇真虎無能爲也

北平

見漢書李廣傳

飲酒

江南秋泉雲液濃遼東抹利玉汁鎔椰瓢朝傾荔支綠螺杯
暮捲珍珠紅此酒誰所畱今日乃汝逢仙人一丸藥洗我芥

帶宵金沙一散風雨疾世事盡與浮雲空東家劉伯倫西家
王無功醉鄉日月萬萬古眼中擾擾誰為雄人會有歸盡飲
不飲所同所恨獨醒人百年枯槁中獨醒恨未通獨醉恨未
公安得清江變醇酎盡迴天地入春風

雲液

吳筠廬山雲液泉賦滴乃雲華之液蘇軾詩楊州雲液却如酥

荔枝綠

黃庭堅詩王公權家荔枝綠廖致平家綠荔枝試傾一盃重碧色快

剝千顆輕紅肌注廖王家酒皆為戎州第一

珍珠紅

李賀詩琉璃鐘琥珀濃小槽酒滴真珠紅

醉鄉日月

王績著

送高信卿

中州集高永傳字信卿出盤陽大族父元字善長教信卿作舉子讀書略通即棄之去為人不顧細謹有幽并豪俠之風賓客

入門則盡家所有者為具不為明日計人以此愛之貞祐初避兵太原與李長源居于廣平寺有盜穴牆而入長源性慤性聞聲寧聲不語盜盡挈信卿所有而去長源徐曰綠林之子至矣於是信卿生理大狼狽南渡居嵩州出入屏山之門其學遂進初名夔字舜卿又名探屏山改焉真定王之奇士術攻雜學屏山目為怪魁王從之內翰為賦善哭詩奉聖馬餌升公敢為大言著書十萬言號北新子大略以談兵為法且曰古人兵法非不盡但未有北新子五十里火雨耳信卿皆與之游故其詩豪宕語怪不為法度所窘有冰柱雪車風調觀吼龍篇及大雨後見寄可駭見矣正大壬辰病沒于京師年四十六○歸潛志高永信卿漁陽人偶儻尚氣輕財好交游頗讀書喜談兵文詞豪放長於論事嘗從屏山游與李長源

元裕之杜仲梁李稚川相善累舉不第家甚貧正大未余居淮陽信卿持諸公書來謁因爲定交兩月餘西去未幾同在南京被圍嘗上書言事不報以病死自號應庵○名儒草堂詩餘高永信卿滕王閣大江東去詞云閑登高閣歎興亡滿目風煙塵土畫棟珠簾當日事不見朝雲暮雨秋水長天落霞孤鶩千載名如故長空淡淡去鴻聲吳誰數遙憶才子當年如櫟健筆坐上題佳句物換星移知幾度遺恨西山南浦往事悠悠昔人安在何處尋歌舞長江東注爲語流盡今古

高卿去歲山中居椽朝栗暮分猿狙今年移家入城市甑中生塵釜生魚文窮智亦窮五鬼更嘯呼迺翁延客著上座兩兒已復遭擲掄三冬兔園冊牧豎叫語麤溼薪煙滿眼破硯冰生鬚賣符與行藥不養堂堂軀無衣思南州千里走單車我嘗相夫君不是山澤臞十八學擊劒二十了陰符平生結交王與李袖中頗有魚麗圖文武志膽誰不如不能拔劒斫蛟鱷亦當赤手降於菟胡爲堅坐守寒饑坐令兒女悲窮途萬事糊塗酒一壺別時聊爲鼓隳胡中原麟鳳今如此莫道

皇家結網疎

橡栗

杜甫歌歲拾橡栗隨狙公

五鬼

韓愈送鄭文

無衣

少陵句

王

即王之奇士衛

李

即李汾長源

赤手

東坡句

鼓嚨胡

後漢五行志皇諸王請為諸君鼓嚨胡

中原

陳陶閒居雜興詩一顧成周力有餘白雲閑釣五溪魚中原莫道無麟鳳自是皇家結網疎

寄趙宜之

趙時在盧氏○案中州宜之傳云南渡後往來洛西山中歸潛云居西山下辛敬之贈詩云轉徙家無地宜之贈遺山句云買

鄰心樂古清涼是宜之既寓三鄉又思嵩一前今復在盧氏殆真無家者已詳三卷

大城滿豺虎小城空雀鼠可憐河朔州人掘草根官煮弩北人南來向何處共說莘川今樂土莘川三月春事忙布穀勸耕鳩喚雨舊聞抱犢山摩雲出蒼稜長林絕壑人迹所不到可以避世如武陵煮橡當果穀煎术甘飴飴此物足以度荒歲況有麋鹿可射魚可罾自我來嵩前旱乾歲相仍耕田食不足又復違親朋三年西去心籠禽念飛騰一瓶一鉢百無累恨我不如雲水僧崧山幾來層不畏登不得但畏不得登

洛陽一昔秋風起羨煞吳中張季鷹

煮鰲

後漢書鄭眾傳耿恭煮鰲為糲卒全忠勇

莘川

案前卷高門關云莘川百里如掌平中州集宜之次韵云莘川擬作桃源隱地當在廬氏

瓶

鉢

貫休詩一瓶一鉢垂垂老

幾層

唐書五行志高宗時童謠云嵩山凡幾層不畏登不得但恐不得登

段志堅畫龍為劉鄧州賦

豬龍可豢亦可屠世人畫蛇復畫魚天飛忽入阿堅筆始覺
衆史欺庸愚腥風萬里來白浪橫江湖一麾走海若再顧失
天吳浩蕩明河翻尾鬣慘不濡只愁紙上出雷火搏控大千
如此珠天生神物與化俱滅沒變見何所無逆鱗自古不受
觸乃今縮頭隨卷舒怪得堂堂髯御史平生長有雨隨車

海若

見莊子

天吳

海賦天吳乍見而彷彿

不濡

莊子其神入乎淵泉而不濡

逆鱗

史記韓非傳龍喉下有逆鱗徑寸撓之則

必殺

髯御史

案光甫曾拜監察御史

雨隨車

後漢鄭宏傳注謝承書曰宏行春大旱隨車致雨又見唐書顏真卿傳

送詩人秦略簡夫歸蘇墳別業

中州集秦略字簡夫陵川人父事軻有詩名工作大字簡夫少

舉進士不中即以詩為業詩尚雕刻而不欲見斧鑿痕故頗有自得之趣悼亡一詩高出時輩殆荆公所謂着似尋常最奇崛成如容易却艱難者耶年六十七卒臨終謂詩六經較騷樓宅兒孫邂逅思雲山最佳處隨意著詩魂簡夫自號西溪老人有集行於世子彦容為黃冠師今在平陽又同希顏裕之賦樂真竹佛子詩○本集三十一卷通真子銘閑居崧山與西溪為詩酒之友者十五年即止

三月不見君渴心欲生塵論文一樽酒雅道誰當陳昨朝見君臨水句乃知抽青妃白非詩人南山明月北山雲恨君不作由東鄰擊鮮為具非無好事者天隨杞菊年年新石田茅屋連蘇墳兩兒力耕足養親君詩或者昌晚節不應道路長遂遂白髮刁騷一幅巾豐年鄉社樂閑身蹇驢馳入醉鄉去袖中知有眉山春

論文

杜甫詩何時一樽酒重與細論文

臨水句

中州集簡夫白髮詩臨水時自照云云

抽青妃白

柳子厚題毛穎傳後

云世之模擬竄竊取青妃白肥皮厚肉柔筋脆骨而以爲雜者讀之也其大矣固宜

石田

杜甫詩先生早賦歸去來石田茅屋荒蒼苔有

蘇墳

秋間集謁

蘇墳詩神嵩勸騰萬馬東汝流西來橫玉虹山川秀潤不少

兩兒

三十一卷通真銘西溪二子通真其

長刁騷歐陽修詩休把青銅照也雙鬢君謾今已白刁騷

紀子正杏園燕集

甲午歲○案圖在冠氏九卷別冠氏詩西城紅艷杏園春十二卷冠氏趙莊杏花詩

紀翁種杏城西垠千株萬株紅艷新今年寒食好天色曉氣
鬱鬱含芳津天公自愛此花好朝薰暮染煩花神融霞暈雪
一傾倒非煙非霧非卿雲未開何所似乳兒粉妝深絳唇能
啼能笑癡復騷畫出百子元非真半開何所似里中處女東
家鄰陽和入骨春思動欲語不語時輕顰就中爛漫尤更好
五家合隊號與秦曲江江頭看車馬十里羅綺爭紅塵陽平
一邑多詩豪主人買酒邀衆賓花時有成約恨少楊子張吾
軍落花著衣紅繽紛四座慘澹傷精魂花開花落十日耳對
花不飲花應嘖愛花常苦得花晚爭教行樂無閑身芳苞一
破不更合且看錦樹烘殘春

花神

異人錄宋單父有種藝術牡丹變易千種上皇詔至驪山種花萬本各樣各殊內人呼為花神

卿雲

史天官書若烟非烟若雲非雲郁郁紛紛蕭索

翰園是

五家

唐書楊貴妃傳元宗每年幸華清宮區忠姊妹五家俱從五家為一隊著一色衣五家合隊照映如百花之煥發杜甫詩就中雲幕椒房親賜

名大國
號與秦

送李參軍北上

本集安山亭記或是
○詩說見歸田詩話

五日過居庸十日渡桑乾受降城北幾千里出塞入塞沙漫
漫古來丈夫淚不灑別離間今朝送君行清涕爾餘潸生女
莫作王明君一去紫臺空佩環生男莫作班定遠萬里馳書
望玉關我知驢子墮地無齊燕我知鴻鵠意氣青雲端草間
尺鷃亦自樂扶搖直上何勞搏一衣敝縕袍一飯苜蓿盤歲
時壽翁媪團樂有餘歡就令一朝便得八州督爭似綵衣起
舞春爛斑去年雒陽人今年指天山地遠馬驚破霜重貂裘
寒朔風浩浩來客子慘在顏扼胡嶺上一迴首未必君心如

石頑君不見桓山鳥乳哺不得須與閑衆雛一朝散孤雌回

顧聲悲酸寒雁來時八九月白頭阿母望君還

居庸

水經注關在沮陽城東南六十里居庸界故關名矣崇墉峻壁非輕功可舉山岫層深側道逼狹林障陰險路才容軌曉禽暮獸寒鳴相和駑宦游子聆之者

莫不傷思矣

桑乾

水經注濕水東北流左會桑乾水耆老云其水潛承太原汾陽縣北燕京山之天池池在山原之上天池桑乾二水潛流通注桑乾水東南流

右會馬邑川俗謂之磨川

受降城

唐書神龍三年張仁愿于河北築三受降城以拂雲祠為中城東西相去各四百里

尺鷃

莊子

扶搖羊角而上者九萬里尺鷃笑之曰彼且奚適也我騰躍而上不過數仞而下翔蓬蒿之間

翁媼

方言周魯秦隴謂父曰翁漢書高祖紀母趙注幽州及漢

中皆謂老嫗為媼又云媼女稱也

桓山鳥

說苑孔子聞哭者聲甚悲曰此非獨哭死又哭生離者是往而不復返也

是往而不復返也

王黃華墨竹

為郭輔之賦○案彭德志金郭輔之得鄰南城注雨孟簡以之友琴王庭筠為之賦詩云云即此○墨水集跋王黃

華墨竹詩老可能為竹寫真東坡解與竹傳神墨君有語君知否須信黃華是可人

古來畫竹尊右丞東坡斂袂不敢評開元石本出摹寫燕市

駿骨畱空名亦有文湖州畫意不畫形一為坡所賞四海知

有篋簪亭深衣幅巾老明經老死不敢言縱橫豈知遼江一派最後出運斤成風刃發劓雪溪仙人詩骨清畫筆尚餘詩典刑月中看竹寫秋影清鏡平明白髮生娟娟略似萱草詠落落不減叢臺行千枝萬葉何許來但見醉帖字欹傾君不見忠恕大篆草書法趙生怒虎嘷墨成至人技進不名技游戲亦復通真靈百年文章公主盟屏山見之踞且擎聲光舊塞天壤破議論今著兒曹輕有物於此鳴不平悲耶嘯耶誰汝令只恐破窗風雨夜怒隨雷電上青冥

王黃華

中州集王庭筠傳字子端熊岳人早有重名大定十六年甲科文采風流

照映一時歷州縣用薦者俱奉翰林承安中爲言事者所累謫鄭州幕官未幾復應奉稍遷修撰卒官年四十七子端詩文有師法高出時輩字畫學米元章其得意處頗能似之墨竹殆天機所到文湖州以下不論也平生愛天平黃華山水居相下十年自號黃華山主有集傳世屏山故人外傳云子端名家子風流飄蕩冠冕一時爲人肩目如瓊美笑談俯仰可觀外視苦隨貴人初不敢與接一見之後和氣津津溢于衡宇間又其折節下士如恐不及苟有可取極口稱道之故人人恨相見之晚也李衍竹譜云此從喬仲山所畫見黃華橫幅一枝數葉倚石蒼蒼其欲取以爲法而無

自得之或云黃華雖宗文湖州每鑑下
文湖州
宜和畫譜文與可守洋州于員管

照竹枝模影寫真宜異平常人之為者
于霏竹愈工至于月落亭孤壇樂賦發之

姿疑風可動不苟而成蓋進于妙者也
箕管亭
洋州與可常令子作洋州三十

詠此其一也子詩曰料得清貧饒太守
日與可與襄游谷中燒笏晚食發面得詩大笑噴飯滿案

萱草詠
中州集王庭筠獄中賦沙籠百戰場島嶼不敵樹泥復幽園中萬古結
愁霧寸根不擇地於此生意具現裝綴雲杪金鳳製未去晚雨沾濡之

向我泣如訴忘憂定
屏山
字之純詳八卷

沉舟大明湖
待杜子不至○整城志云大清河又東北經牛家渡東又
北東經華不注山北又東北右納濰水之分流濰水分自

城西北隅循城而東里餘有會大明湖水宋元人皆云源由舜泉今
湖水與舜泉不通或云地下有伏流也湖水之源今可見者唯北珍珠諸

泉在巡撫署內其西出者為混纓湖今為牆垣所隔且源其牛矣其東出
者仍西與混纓湖會其地直撫署之西北隅舊志所云迴龍湖水北出言

花橋滙為湖水經注之歷水映應在此宋以來所目為大明湖
者孝慈諸泉自西南來注于湖東北出北水門而與濰水會

長白山前繡江水展放荷花三十里看山水底山更佳一堆

蒼煙收不起山從陽丘西來青一灣天公擲下半玉環大明
湖上一杯酒昨日繡江眉睫間晚涼一棹東城渡水暗荷深

若無路江妃不惜水芝香狼藉秋風與秋露蘭襟鬱鬱散芳
澤羅襪盈盈見微步晚晴一賦畫不成枉著風標誇白鷺我
時驂鸞追散仙但見金支翠蕤相後先眼花耳熱不稱意高
唱吳歌叩兩舷喚取樊川搖醉筆風流聊與付他年

長白繡江

本三十四卷濟南行記此游汎大明湖者再京入水柵欄之水名繡江
發源長白山下周圍三四十里府參佐張子鈞張飛卿鵝子于繡江亭

漾舟荷花中十餘里藥府皆京
國之舊劇談豪飲抵暮乃罷

水芝

古今注荷花
一名水芝

晚晴賦

杜牧晚晴賦復引舟
于深灣忽八九之紅

菱花然如婦斂然如女墮
點點如見放棄白鷺潛

吳歌

韓愈詩脚歌
兩舷唱吳歌

九月七日夢中作詩續以末後二句

桃花紅深李花白昨日成團今日折歌聲滿耳何處來楊柳
青旗洛陽陌拊君背握君手朝鐘暮鼓無了期世事於人竟
何有青青鏡中髮忽忽成白首六國印何如負郭二頃田千
載名不及卽時一杯酒

一杯酒

晉書張翰傳曰使我有身後名不及即時一杯酒

賦邢州鵲山

地志河北西路邢州

去時唐山道望望鵲山背今朝西北看奇秀益可愛蒼茫失
層疊解駁見縈帶浮雲自來去盡巧寧變壞吳妝入小筆隱
隱拂殘黛城隅靜女人不知擁髻低顰如有待太行橫截九
州半一掩一重俱有態只知天平六峯天下稀此山東來亦
閑在煙埋雨沒今幾時殆天所藏子發之郭熙未足語平遠
摹寫誰有韋郎詩

解駁

蘇軾詩宿雲解駁晨光
滿獨見山紅澗碧時

掩重

杜甫詩一重一掩我肺
腑山花山鳥我友于

郭熙

案熙河陽溫縣
人工山水師李

成見十
三卷

送王亞夫舉家歸許昌

地志南京路許
州宋許昌郡

一日兩食藜藿葵三冬一褐軒與齊監河貸粟困欲死望望

江水滿塵泥故書一束手自攜汴兒跳梁翠女啼出門疾走
勿反顧正恐五鬼從之西馬中豈是無龍媒世人徒知牝牡
黃與驪只如黃金絡頭亦不惡誰謂茅索能相羈天公醉著
百不問汝偶而偶奇而奇前途兀兀黑於漆昨日把笏今扶
犁乃知世間倚伏不可料井底容有青雲梯春風兩淮多鼓
鞞軍中少年舞荒雞因君南望一大笑落日澹澹青山低

牝牡黃驪

列子秦穆公使九方皋求馬三月而反報曰已得之矣在沙邱牝而黃使人視之牡而驪公不悅曰物色牝牡尚弗能知又何馬之能知也

偶奇

淮南子或奇或偶或飛或走莫知其情

倚伏

老子禍兮福所倚福兮禍所伏

青雲梯

謝靈運詩惜無同懷客共登青雲梯

湧金亭示同游諸君

嘉靖河南志湧金亭在百泉亭東泉從地涌出日照如金故有蘇軾書蘇門山湧金亭六字

金主薄李天瑞重修○寰宇訪碑錄湧金亭詩元好問撰正書定宗后稱制元年三月立在河南輝縣○本八卷蘇門詩湧金亭上秋如畫卽此

太行元氣老不死上與左界分山河有如巨鼇昂頭西入海
突兀已過餘坡陀我從汾晉來山之面目腹背皆經過濟源

盤谷非不佳煙景獨覺蘇門多湧金亭下百泉水海眼萬古
 畱山阿鬢沸灤水源淵淪晉溪波雲雷涵鬼物窟宅深蛟鼉
 水妃簸弄明月璣地藏發泄天不訶平湖油油碧於酒雲錦
 十里翻風荷我來適與風雨會世界三日漫兜羅山行不得
 山北望空長哦今朝一掃衆峯出千鬟萬髻高峩峩空青斷
 石壁微茫散煙蘿山陽十月未搖落翠蕤雲旂相盪摩雲煙
 故爲出濃淡魚鳥似欲畱婆娑石間仙人迹石爛迹不磨仙
 人去不返六龍忽蹉跎江山如此不一醉拊掌笑煞孫公和
 長安城頭烏尾訛并州少年夜枕戈舉杯爲問謝安石蒼生
 今亦如卿何元子樂矣君其歌

濟源

黃庭堅詩河南有

盤谷

韓愈序太行之陽有盤谷谷之間泉甘而土肥

蘇門

晉書阮籍傳籍嘗于蘇門山遇孫登○廣

信五張寺銘

煙蘿

李白詩借夫愛佳景煙蘿於此時

翠蕤

少陵句

雲旂

西京賦栖鳴爲曳雲旂

公和

孫登字

烏尾說

杜甫詩日暮風亦起城頭烏尾說

枕戈

五代史雜傳劉詞居暇日常披甲枕戈而臥

元子樂矣

次山集心規云

歌曰元子樂矣我鼻我目我口我耳歌已矣夫

南冠行

癸巳秋爲曹得一作。十一卷有扇頭詩案得一豈居一之昆弟行耶

南冠纍纍渡河關畢逋頭白乃得還荒城雨多秋氣重頽垣
敗屋生茅菅漫漫長夜浩歌起清涕曉枕畱餘潛曹侯少年
出紉綺高門大屋垂楊裏諸房三十侍中郎獨守殘編北窗
底王孫上客生光輝竹花不實鵲鷄飢絲桐切切解人語海
雲喚得青鸞飛梁園三月花如霧臨錦芳華朝復暮阿京風
調阿欽才暈碧裁紅須小杜長安張敞號眉嫵吳中周郎知
曲誤香生春動一詩成瑞露靈芝滿窗戶魚龍吹浪三山沒
萬里西風入華髮無人重典鵲鷄裘展轉空牀臥秋月寶鏡
埋寒灰鬱鬱萬古不可開龍劍出地底青天白日驅雲雷層

冰千里不可畱離魂楚些招歸來生不願朝入省暮入臺願
與竹林嵇阮同舉杯郎食猩猩唇妾食鯉魚尾不如孟光案
頭一杯水黃河之水天上流何物可煮人間愁撐霆裂月不

稱意更與倒翻鸚鵡洲安得酒船三萬斛與君轟醉太湖秋

南冠

左傳晉侯親于軍府見鍾儀問之曰南冠而縶者誰也曰鄭人所獻楚囚也

畢逋

後漢五行志城上鳥尾畢逋

頭白

史記荆軻傳

注素隱曰燕丹求歸秦王曰鳥頭白馬生角乃可耳

竹實

陸機詩疏鳳皇非梧桐不栖非竹實不食

宛雛

莊子南方有鳥其名為雛

阿京

京

叔

李欽

暈碧

歐陽脩春無賦裁紅暈碧巧助春情

小杜

杜仁傑

香生瑞露

韓偓香齋自序咀五色之靈芝

香生九竅咽三危之瑞露春動七情

鸛鵲裘

西京雜記相如居貧以鸛鵲裘就市賣酒與交君為歡

寶鏡

盧仝月蝕詩百鍊鏡照見磨平地埋

寒灰磨滅跡不復見便似萬古不可聞

龍劍

雷煥招魂增冰炭裁飛雪千里些

層冰

李賀歌耶食鯉魚尾妾食猩猩唇

醉後走筆

建茶三盃冰雪香離騷九歌日月光腰金更騎揚州鶴雋永
不羨大官羊短燈檠子移近牀秋風吹簾月轉廊一歌再歌

魂魄動八眼渺渺橫沅湘湘如漸遠望不及金支翠蕤澹飛
颺漁父話獨醒孺子歌滄浪山鬼獨一脚拊掌笑我旁湘纍
歸來弔故國遺臺老樹山蒼蒼掩書一太息夜如何其夜未
央東家女兒繡羅裳銀瓶瀉酒勸客嘗一酌均跼顏再酌齊
彭殤宇宙不今古氣節無陰陽少年避酒不肯喫跬步乃有
無何鄉愛茶愛書死不徹乃以冰炭貯我腸世間唯有麴生
風味不可忘

建茶

郡齋讀書志宋丁謂撰建安茶錄三卷陸游詩冰風雪梅建溪春

雋永

漢書師古注雋子充反肥肉也永長也乃刺通所著書讀為前上聲

短檠

韓愈詩短檠三尺便且光搔頭頻挑移近牀

山鬼

少陵句

冰炭

韓愈詩穎子爾誠能無以冰炭置我腸

湘纍

揚雄反離

騷因江潭而泄記今飲弔楚之湘纍注云人不以罪死者曰纍

南湖先生雪景乘驃圖

并引○中州集南湖靖先生天民字通鄉涇陽人其父國初官原武因而家焉

南湖先生原武人年二十許時曾以鄉賦兩魁鄭州然其

資倜儻所以自望者甚高終不樂爲舉子計卽棄去學擊
刺當正隆征南頗欲馳逐戎行間旣而大定詔書下兵各
罷歸先生抱利器而無所試乃浮湛里社以詩酒自娛買
田南湖之上築亭種樹徜徉乎其間盡置家事日與賓客
酣飲歌管綦縶窮日夕不少休家故饒財又好施予其赴
人之急猶疾痛之在己故人尤以此歸之所與游如臨洛
王逸賓游宗之大定劉之昂其人皆天下名士至論人物
必曰靖達卿今日之奇男子也先生生於天會初歷大定
明昌泰和優游於太平和樂之世者五十年大安兵興乃
下世平生喜作詩樂府尤有蘊藉觀西子棄瓢詩可見也

警報蕭娘詩羅秋千古香溪水自流
吳越兵爭竟何得風流輸與五湖舟

嘗雪中騎青驪行京水道中作

長詩卒章有安得西都畫史吮筆出新意寫作南湖老子

雪景乘騾圖之句其子文煒北渡後來東平始以先生之意追畫此圖求僕賦詩文煒質直好義讀書作文有聲時輩中觀其子可以想見先生之爲人故爲道其事并以致懷賢之思

大河茫茫白連空寒雲迢迢度南鴻汴梁高樓管絃裏成皋行人西北風北風吹雪來飄瞥捲孤蓬異色變慘澹元氣開洪濛襄陽潮陽詩境在掇拾物色真難工青騾誰此游望見知是南湖翁南湖翁少日骭髀今龍鍾猶能吐氣萬丈如長虹閉門兀坐意不愜要看銀海翻魚龍寶華世界瓊瑤宮江山隨翁入清雄詩成仰天一大笑飛花落絮春濛濛鬱鬱梁宋郊翁家出強宗許與必豪右收入等侯封翁年十八九弄筆學彫蟲疊取兩解魁隱隱何隆隆一旦拂衣去學劒事猿

公正隆適南征匹馬走從戎墨丸磨楯鼻意與江流東紫微
出東方淮海亦來同都將書與劒田間就春農仕宦不作邴
曼容醉鄉自愛王無功爰居從渠致鐘鼓野鶴豈合棲樊籠
南湖煙景多魚鳥亦從容亦有兩小船綸竿插船篷高亭出
秀樾窗戶連青紅清颺隨睡興暝色赴吟筇門前車馬來日
釀日不供但苦佳客少焉知清興終看翁棄瓢詩調戲鴟夷
老子如兒童雄吞已覺雲夢小寒縮字作書生窮當年我得
奉談笑晝夜肯放清樽空東家西家不相從南海北海不相
逢風流耆舊今誰似惆悵相看是畫中

原武

地志南京路
鄭州原武縣

王逸賓

中州集王隱君嗣字逸賓先世家臨洛至逸賓遂爲汴
梁人博學能文不執科舉孝友天至非其食不食家無

餽石之儲晏如也明昌中故相馬吉甫判開封舉逸賓王彥功游宗之德行才能逸賓
得鹿邑主簿就乞致仕彥功以親老調輩州教官宗之讓不受三人者雖出處不齊而
時人皆以高士目之開闢公營築堯承旨趙黃山路司諫劉之昂尹無忌周德卿與逸
賓七人詩刻水以傳目爲明昌辭人雅製云○溪水集遺安先生言行錄先生姓王氏

諱礪字逸賓其先臨洛人先生實生于汴梁嘗以洛川自稱不忘本也自幼穎悟絕羣外類如也初學詩于伯父震落筆驚人震自以爲不及未幾詩名大振加之孝于親友于弟誠于人薦于已遠近論士行必曰王逸賓矣初孟公宗獻友之馮公璧叔獻趙公諷文濡皆師尊之先生天性謙至待之反若居已上及數公相繼魁天下直玉堂然後先生之道益尊名益重朝賢兩薦名德先生以善抵故人之爲清要者皆以親老爲辭故遂寢明昌末聖天子召舉德行才能之士鄉人耆德諸生五百餘人薦先生孝義忠信文章爲世師表朝廷以素知名特賜同進士投毫州鹿邑主簿先生年幾七十矣以目苦昏暗卽日移文有司以老疾乞致仕朝廷猶以半俸優之首葺先塋次以分惠親舊計月而盡泰和三年八月二十有七日以疾終于家臨終神色不變戒其子棺周于身足矣語畢而逝葬于祥符縣魏陵鄉蕭氏之園先生教人先行後文與人交終身不易居喪齋素哀服不去身二年與二弟終身無間言平居循循謹視若無能爲至遇不義矯如也其詩冲淡簡潔似韋蘇州嘲戲風月一語不及也所與游皆世知名士若文商伯起張公藥元石及其子觀彥國王琢景文師拓無忌鄺權元與高公振特夫王世賞彥功王伯溫之父左容無擇游道人宗之路鐸宣叔左丞唐括文正公鎮南都以禮致之不能屈及與貴士談飢坐終日不知誰爲主誰爲客也嘗冬日詣一親知家會坐客滿主人貧窶爲代給所須坐客疑其寒色物色所得乃典綿衣以贈也喪其母鄉鄰或贈以布帛拜而受之異日復歸其人曰吾親安吾食義不可受也其廉介類此其眞純之德卓絕之才淵深之學廉正之操黃叔度陶淵明元紫芝司空表聖之徒與秉文明昌間參河南轉運幕過相謁坡軒居士鄺元與居士曰君知王逸賓乎斯人當今顏子也君可不掃門求見之既見曰鄺公知人矣自是之後虛往實歸及其重來墓木已拱嗚呼使子雲見之不當絕歎于李仲元蘇源明見之不當見稱于元子不意千古之下復有斯人乃伐石樹碣用旌不朽于是爲之銘曰居今而行古身晦而名彰不獨以詩昌猶又送李按察詩云

游宗之

章紀明昌三年十月甲寅賜河南路提刑司所舉逸民游總同進士出身以年老不樂仕進授

登仕郎給正八品半奉終身 **劉之昂** 中州集劉左司昂字之昂興州人大定十九年進士曾高而

巧麗為場屋捷法作詩得晚唐體尤工絕句往往膾炙人口早得仕年三十三省錄考

滿授平涼路轉運副使人謂卿相可坐致矣術士有言之昂官止五品者之昂自望者

甚厚不信也俄丁母憂為富室者所忌連塞十年卜居洛陽有終焉之志有薦其才於

道陵者泰和初自國子司業擢左司郎中將大用矣會遼陽人大中欲搖執政賈鉉為

言者所劾辭連之昂道陵震怒一時聞人如史肅李著王宇宗室從郁

皆譴逐之鉉尋亦罷政之昂降上京留守判官道卒意如術者之言

昭見三十七卷靈泉序 **龍鍾** 韓愈詩東野不得 **銀海** 陸游詩天如玻璃 **隱隱** 望

三十九卷高戶字說 **猿公** 李白詩少年學劍 **南征** 海紀正隆五年七月癸卯遣使發諸路漢軍 **楮鼻** 通鑑荀洛

隆佳氣也 **紫微** 又六年十月丙午慶雲見東京守曹國 **邴曼容** 漢書兩龔

常曰會于楮鼻 **爰居** 杜甫詩鷄鵲至魯 **船篷** 黃庭堅

養志自修為官不肯六百石輒自免去○蘇軾詩吾今官已六百石慚愧當年邴曼容

癸卯歲杏花

南州景氣煖杏花見紅梅讀書山前二月尾向陽杏花全未
開待開竟不開怕寒貪睡嗔人催愛花被花惱不徹一日遶

樹空千回牙牙嬌語山櫻破稠開成團稀作顆小蕾從教絳蠟封繁枝未要晴雲裏兩月不舉酒半歲不作詩更教古銅瓶子無一枝綠陰青子長相思今年閏年好寒節花開不妨遲一月

爾給買魚作寒節宋方舟先生李知幾語
○李石字知幾號方舟資陽人有方舟集

題劉紫微堯民野醉圖

蒼苔濁酒同歌呼白鬚紅頰醉相扶堯時皇質未全散不論朝野皆歡虞望雲雲非雲就日日非日先秦迂儒強解事極口譽堯初未識堯民與酒同一天此外更誰爲帝力仙老曾經甲子年戲將陳迹畫中傳山川淳朴忽當眼迴望康衢一慨然不見只今汾水上田翁鞭背出租錢

堯甲子年仙人張果事

白鬚

蘇軾詩白鬚紅頰如君長

康衢

列子堯治天下五十年徵服游于康衢

贈答趙仁甫

仁甫名復雲夢人江表奇士也○元交類姚燧序江漢先生死生云其歲乙未王師徇地漢上軍法凡城邑以兵得

者悉坑之德安由嘗逆戰其斬刈首級動以千億計先公受詔凡儒服挂
俘籍者皆出之故得江漢先生見公戎服而髯不以華人士子遇之至帳
中見陳琴書悵然曰同紇亦知事此耶公爲之一莞與之言信奇士卽出
所爲文若干篇以九族殫殘不欲北因與公訣祈死公止共宿實拘戒之
旣覺月色爛然惟寢衣畱故所公遽鞍馬周號積屍間無有也行及水裔
見已被髮脫履仰天而祝蓋少須臾蹈水未入也公曰果天不生君與衆
已同禍矣其全之則上承千百年之祀下垂千百年之緒者將不在是身
耶徒死無義可保君而北無他也至燕名益大著北方經學實賴明之游
其門者將百人多達材其間○元史本傳先是南北道絕載籍不相通至
是復以所記程朱所著諸經傳註盡錄以付樞自復至燕學子從者百餘
人世祖存潛邸嘗召見問曰我欲取宋卿可導之乎對曰宋吾父母國也
未有引他人以伐吾父母者世祖悅因不強之仕惟中聞復論議始增其
學乃與樞謀建太極書院立周子祠以二程張楊游朱六君子配龕選取
遺書八千餘卷請復講授其中復以周陳而後其書廣博學者未能貫通
乃原羲農堯舜所以繼天立極孔子顏孟所以垂世立教周程張朱氏所
以發揮以標其宗旨朱子門人散在四方則以見諸登載與得諸傳聞者
共五十有三人作師友圖以爲私淑之志又取伊尹顏淵言行作希賢錄
使學者知所嚮慕然後求端用力之方備矣樞旣退隱蘇門乃卽復傳其
學由是許衡郝經劉因皆得其書而尊信之北方知有程朱之學自復始
復爲人樂易而取介雖居燕不忘故土與人交尤篤分誼元好問文名擅
一時其南歸也復贈之言以博勵心末喪本爲惑以自修讀易求文王孔
子之用心爲勉其愛人以德類若此復家江漢之上以江漢自號學者稱
之曰江漢先生○淵穎集觀姚文公記趙江漢事江左一丸國北兵臨鄂
城鄂城小不敵圍遂泣孤樵趙公本儒士船首困機槍老身念未死勢肯

舉降旌坐隨清野民虜入驃騎營淩其盡忠義憤使擊鼓鉦長揖上堂階
五弦偶鏗鉤黃繫何鮮卑指下尚正聲中原眞有人大將世豪英幕府喜
致汝軍師豈徒驚終然類脫兔夜卽葬修鯨兩目噴欲裂汨羅我同貞和
門遙出令邇卒復縱橫扶持返舊路慰勞賜冠纓古今多分潰光嶽極戰
爭干戈自有責難學合謀京演疇庶不憚經瀆孰重輕從知道在已詎用
死易生汴土久不守金源遂交撐紛紛戎馬間務以儒術鳴遺經益南徙
義理却後睦繁章僅北往禮樂要抗衡平陽貢瓜瓞立教繪圖讀詩昌得
箋疏江漢界律程當時乃世運何士非我植楚材仍與晉漢學特逃藏
劍或激氣鼓篋須極精焚燬一王事卓犖千載成陸機但辨語廣信空哀
情我且用我法吁嗟我仁卿○靜庵筆談趙仁甫本宋人袞停居燕其經
學文章雖李敬齋
元遺山亦推讓焉

我友高御史愛君曠以眞昨朝識君面所見勝所聞江國辭
客多玉骨無泥塵軒昂見野鶴過眼無雞羣想君夜醉潯陽
時明月對影成三人散著紫綺裘草裏烏紗巾浩歌魚龍舞
水伯不敢嗔何意醉夢間失脚墮燕秦萬世一旦暮萬里猶
比鄰世無魯連子黑頭萬蟻徒紛紛君居南海我北海握手
一杯情更親老來詩筆不復神因君兩詩發興新都門迴首

一大笑袖中知有江南春

所見唐書文藝傳崔信明嘗矜其文鄭世翼謂曰聞君有楓落吳江冷句願見其餘信明欣然多出衆篇世翼覽未終日所見不逮所聞投諸水玉骨

杜甫歌秋水野鶴晉書嵇紹傳昂昂然對影李白月下獨酌詩舉杯紫綺裘

為神玉為骨又玩月金陵詩草裏烏紗巾倒披紫綺裘

下黃榆嶺

北厓元武暮默黑如積鐵東厓劫火餘絢爛開錦纈就中嶺
頭一峯凸樸奇剝費寒雲幾千疊摩圍可望不可到青壁無
梯猿叫絕林煙日射彩翠新跬步疑有黃金闕畫工胸次墨
汁滿那得冰壺貯秋月直須潮陽老筆迴萬牛露頂張顛揮
醉帖石門細路無澗泉行人飢渴挽不前辛苦黃榆三十里
豈知却有看山緣

萬牛黃庭堅詩張子筆張顛國史補旭飲酒輒草書攬筆而大叫以頭盪水墨中

帽露頂王公前揮
毫落紙如雲烟

驅豬行

黃臺張氏莊作

沿山蒔苗多費力辦與豪豬作糧食草庵架空尋丈高擊板
搖鈴鬧終夕孤犬無猛噬長箭不暗射田夫睡中時叫號不
似驅豬似稱屈放教田鼠大於兔任使飛蝗半天黑害田爭
合到渠邊可是山中無橡朮長牙短喙食不休過處一抹無
禾頭天明壠畝見狼藉婦子相看空淚流旱乾水溢年年日
會計收成纔什一資身百備粟豆中儋石都能幾錢直兒童
食糜須愛惜此物羣豬口中得縣吏卽來銷稅籍

豪豬

山海經竹山有獸其狀如白豕毛大如箭而黑端以毛射物名豪豕也

嘯臺感遇

裴回五巖上浩歌彌激烈望望蟾房翁倒影乍明滅地古足

靈異祠廢餘像設子規夜啼山竹裂老鶴亂踏枯松折嘯臺
音響杳不聞蕩蕩青天一明月荒山破五色十步九窪疊水
泉出沮洳一綫僅不絕翁乎何意畱此居可是他山無地穴
大道既下衰日鑿聰明開玉從瑤瑋毀木以青黃災天和散
不畱去浪無東迴咄咄此老蒼骭髀仰怪魁堯年生甲子含
德如未孩標枝野鹿致足樂火食屋居良所哀史筆亦厚誣
何曾校計識與材纏身正有一丈髮直以何物觀形骸大笑
黃冠師金丹羽化之說何從來豈知大人先生獨立萬物表
太古元氣同胚胎不見今日孫公和橫絕四海隘九垓嵇康
養生安在哉

浩歌

少陵

子規

同上

標枝

莊子至德之世不尚賢不使能上如標枝下如野鹿

史筆

宋史方技傳甄棲真與隱人海蟾子者以

詩往還論養生秘術日之同還金篇凡兩卷

金丹

海蟾子寧石詩不讀黃庭經豈曉龍虎鼎

大人先生

見相如賦

水簾記異

癸卯九月四日同杜仲梁賦○劉祁遊林慮西山記又里餘路窮大巖合若環屏障稍南孤峯削成拔地劃出號挂鏡臺雲西樹林間望山脊玉虹蜿蜒下垂搖曳有聲迫視之懸泉也相與暗吐因列坐臺趾方石縱觀蓋泉自石門而下初勢甚微已而散布半空持誇異其始來也如飄風扇雪瀾漫一天少焉如驟雨落雲淋漓萬壑或如飛練千尺騰擲不收又如珠簾百幅瑤闌下墜乍散乍聚乍緩乍急乍去乍來乍鉅乍細雍微滴瀝灑面灑肌浩蕩鏗鏘心動魄可以起壯志可以醒醉魂可以洗塵紛可以平宿憤亦天下偉觀也下澍爲潭澄泓湛碧水鑒鏡明向之水聲皆其流派迨出山而漱不知其所往此又異也詳三卷游黃華注

黃華絕境探未窮道人曾約山櫻紅鏡臺懸流不易得世俗
名取香爐峯七年長路今一到刺鯁欲滿平生胸豈知旱久
泉脈絕快意一濯無由供神明自足還舊觀湧浪爭敢微靈
通何因狡獪出變化勝槩轉盼增清雄天孫機絲拂夜月佛
界珠網搖秋風稱奇叫絕喜欲舞恨不百繞青芙蓉銀橋清
涼巔玉鏡崧邱東世外果無物邂逅乃一逢書生眼孔塞易
破勺水已復誇神功東坡拊掌應大笑不見蟄窟鞭魚龍

山櫻紅

案前三卷游山詩云道人已約山櫻紅在丁酉三月

磻谷聖燈

九月五日作○曹居一寶巖寺記云隆慮磻谷山上有寶巖寺

雖善繪者未易爲此又于陰厓絕壁間夜或作金光如燈火然神幻不可致詰前賢詠詩最多行于世目曰金燈集是也歲己亥夏六月宜差奉御江淮安撫使粘合公道出相下爲蕭使君作寶巖之游主僧因語及此公乃夜禱之未幾從者皆曰異哉初如螢漸如燭微而墜者如星頃疾而過者如電掣或焰或燼乍隱乍見一時賓僚稽首恍然僧衆諸公賀曰相公福人也僧因乞子文記之○何朔訪古記彰德之西九十里曰林州州之西北二十里曰黃華谷其最知名者谷南之天平山磻谷寺也磻谷暮夜陰厓石壁間燦然若燈火作金花神幻不可致詰前賢多作歌詩曰金燈集○元王磐磻谷山詩昨日游黃華抵暮方言還今晨到磻谷駐馬五松過未移金門日還指元康烟瀑布落晴雲金鐘開夜遠何當重經過巖下細流連○案磻谷峰神燈記碑爲宋張商英立京叔記引之又磻谷寶巖院金燈記碑爲曹居一撰劉祁正書卽此

金門寺前山突起井底寶巖三十里舊聞聖燈在山上紫微侍郎宜不妄山空月黑無人聲林間宿鳥時一鳴游人燒香仰天立不覺紫煙峯頭一燈出一燈一燈續一燈山僧失喜見未曾金繩脫串珠散迸玉丸走梓光不定飛行起伏誰控

搏華麗清圓自殊勝北荒燭龍開晦冥南極入地多異星豈
知心光毫相有真遇物外恍惚終難憑腐儒心魄爲動蕩再
拜中庭謝靈貺何曾辦作劉更生下照乃辱青藜杖昨朝黃
華瀑流神所憐今朝金門佛燈佛作緣紛紛世議何足道盡
付馬耳春風前

侍郎

捐張商英燭龍莊子燭龍在雁門北蔽于委羽之山不見日楚詞日安不到燭龍何照

南極

宋天文志南極半在地上半在地下

青藜杖

劉向事

馬耳

李白詩世人聞此皆掉頭有如東風吹馬耳

食榆莢

露葵滑寒羊蕨羶春榆作莢絕可憐榆令人瞑何暇計田舍
年例須濃煎簫聲吹暖賣飴天家人鑽火分青煙長鈎矮籃
走童稚頃刻綠萍堆滿前炊飯雲子白剪韭青玉圓一杯香
美薦新味何必烹龍炮鳳誇肥鮮鼠肝蟲臂萬化途神奇腐

朽相推遷夢中鸚鵡亦大樂隨意飲啄真飛仙先生捫腹一
莞然此日何功食萬錢

榆瞑

養生論榆令人眠博物志啖榆則眠不欲覺

簫聲

宋子京句

雲子

杜甫詩飯抄雲子白

鼠肝

見莊子

鸚鵡

歐陽

公夢事

萬錢

晉書何曾傳食日萬錢猶云無下第處杜甫歌左相日與費萬錢

李峪園亭看雨

劉祁遊西山記余髫髻聞嘗聞先大夫言龍山之勝甲鄉山時幼未能往其後在南方北望依依每以為歎甲

午歲還渾水明年秋八月釋菜於先聖越明日拉友人河陽喬松茂壽卿雲中劉偕德升暨弟郁同遊初出西城日方中望西山而行一二里涉水又前七八里至李峪谷在永安山下流波古木相交仰視之秋色如畫稍東山之腋見厓開一抹碧尤佳村民曰此麻匯也予與二三子杖而詣步漸高並路水聲鏗鏘數股涉水行亂石閒里餘忽見青松綠楊舊蔚中鑿厓而屋既至有僧居因共坐西軒望平原諸翠橫立南顧永安山危巖獨雄尊斜日秋煙混蕩百里迢遞而回夜宿李峪遲明上永安山初入谷路甚艱兩厓夾峙峭峻其石皆跨谷縈路詭怪若坐臥起立且時聞水聲盤折而上足慄曰前二三里忽見一峯突兀孤高樹色青黃紅紫閒錯曉日映之錦鮮東諸小峯側列相附又東一嶺獨巖壑無日氣真帷帳閒諸人喜快詠詩步益健又前數百步峯轉境又佳遂各坐大石且在青檜影中石有蒼華涵清縹文縹縷可愛因相與俯視川野倚樹浩歌又前數十步忽聞有聲如風雨震山又如千人喧笑不已逼視之乃流泉一涘自山下入絕壑穿林終石雲縹緲遂冷熈久前至烈風厓厓嶺特益兩峯

最高蒼藤結蔓蒙山下有泉源諸人相謂曰此境絕不可不誌即手泉研
石各題詩又前數步路益險見西厓開復有泉出流大石上樹影交羅聲
鏘鏘微風吹散珠玑四落余曰此石名琴泉又賦詩又前幾二三里樹木
叢陰中殿閣屹然四五所蓋玉泉寺也路側皆暗泉行草開羅歷如人語
言或者拔草掀石決其源方去既入寺寺宇歲深且經亂多摧毀廟堂鐘
閣雨崩草翳僧寮多壞址獨萬聖殿完麗可觀殿中金碧璀璨溢目又有
石羅漢像數百擊之鏗然亦奇敏晚憩僧舍其舍蓋余兒時從大父避亂
所居追維舊事爲之惻愴起尋玉泉泉在西南石厓下如井厓開枝澗滴
漉絡莓苔上有古樹覆蔭頗陰肅因題殿壁紀予今昔遊諸人亦各詩
其後南上祖堂堂經高北望神川在掌上城邑如棋局東則岳神山如屏
青松翠柏間隱隱有樓觀南則羣山迤邐高下淺深異姿秋葉古林色明
艷斜陽照灼金紫滿山堂後有徑上山巔余縱步獨往徑狹而危捫蘿以
前望峯端樹水明度其境必異銳進百餘步困憊又皆落木梗路遂迴然
終以爲恨北過法堂觀維摩像堂亦傾漏不完天曠八僧舍晚夜月出清
寒逼人子與諸人散步檐外見峯巒峯樹木陰森禽聲嘯嘯相應蒼仰
視星斗磊落與人近傲然天地如在玉壺中又相與嘯咏約二更方就寢
詰旦出戶見白雲數縷出東山延布南嶺上狀如飛龍蜿蜒山中露氣蕭
爽回念塵域恍如夢開利火名齊銷鑠淨盡復往祖堂川原浮露蒼茫城
中青烟萬道俄而湏洞瀾漫莫能辨須臾日出東嶺紅霞青雲騰騰滿山
草木光炯炯叢石峭壁呈奇獻異欲動搖如生乃率二三子登北臺臺並
絕頂支一峯絳厓百餘步方至回觀大山峭拔則巖然草樹紅翠點綴斑
駁西顧諸峯如綵樓相蔽虧陽光陰氣晦明不一望北平原百里際北嶺
外雲中城闕浮屠如錐金城渾源二郡及諸村落若盤盂羅列田疇若瓊
甲開張澗波數處若缺鏡裂素散擲微雲薄霧乍起乍伏若鮮衣輕袂姿

姜又相與賦詩賞
歎粥餘別寺僧去

龍山右脇松十里細路蜿蜒繞龍尾松林迫塞悶繁渠北望
玉泉疑井底玉泉元自別一天眼界廓廓無神川金城百里
纔一俯半尖浮圖插蒼煙行行下絕巘招提忽當眼未到倦
不勝小憩遂忘返玉泉一杯甘以冽未須張陸誇冰雪主人
不在客不留烈風崖下風颼颼石頭路滑馬蹄怯山雨未落
雲先愁將軍林園永安下秋霽村墟絕瀟灑濃雲壓屋風打
頭僅得羈銜脫疲馬只知龍山之神神更神永安亦能撼詩
人晦冥變化千萬態畫出風雨元非真山靈亦愁歸厚夜半
面時時見雲罅天瓢細灑供晚涼不似草堂迴俗駕層陰一
掃羣峯出一洗深青徹山骨夕陽展放紫翠屏只欠松梢一
輪月山中一石迴萬牛況是一壑復一丘不如一詩招將入

南州先生興來時臥游

金城

地志西京路應州金城縣

張新

陸羽

厚夜

王績哀冊文厚夜藏畫

天瓢

蘇軾詩馬上傾倒天瓢翻

俗駕

見北

山移

文

游龍山

劉祁遊西山記又云游龍山路自西南往穿枯木翠蔓間里餘過

厓左折徑稍夷厓上多大石或人立或獸呀或禽翔或鬼攫森竦可長前至大林林皆青黃紅紫相間櫛密時時逢怪石晚路狀詭異山風颭至葉落如雨觸石躍而濛濛飛嵐走翠陰映林影中旋變滅又三四里林窮有平岡數畝可川下有泉北流又入林益西三四里大木翳空蔽日樹底有清泉索藤敗葉積清微有聲厓轉而南忽見龍山寺乾櫟坤祕駢露壘開四面諸峯如踴躍相踈大駁在山腹丹碧潭攢雲堂影室在殿西簷墻亦圯然其規制宏且邃依然南俯深澗澗外皆山相聯下有大批杳窈望莫際遂緣石磴上方大大室三楹極整絳西有一徑入樹陰中百餘步至文殊殿殿在孤峯上號捨身厓神像精緻妙絕遠望千巖萬壑絡繹參差樹葉日光爛然五色雖巧筆妙手不能圖凡繡蓋其雄麗冠龍山關外石如掌平其首瀉下窺黝黝無底南則清涼山五臺歷歷且遙見代郡川西則鄴陽馬邑諸城皆微茫可數諸人歎息久之稍北往西方丈室在峭巖下懸柱而修傍視訝且恐室中讀雷少中詩石刻蓋予從大父洛州君所書又有予從父懷遠君詩在壁其南境物不減文殊殿斯須過境樓出方丈後上蒼草坡寺僧云每當秋夏交萬花被坡錦繡堆花多金蓮如燈照山名又蒼草無數故以云又號百花岡惜余來暮不得見緣坡草滑步旋顛

既上立大木開東望峯奇秀又南數步至山顛曠蕩開廓千里目中秋
容蒼然羣山齒立蓋天下絕境也下瞰西方丈在厓中又有大石突出
德升獨踞而歌余慄不能往忽聞有聲如雷震在文殊殿西遊氛歛起疑
轟霆出洞底諸人駭焉後問之寺僧乃大木落也礮礮移時片雲突涌垂
空恐雨作乃下飯餘往西巖巖在西方丈西數峯如崩截歸鬼磊砢相倚
仰觀凜凜觀人神下有屋三楹幽潔前有大石石上有大樹陰翳翳其境
物大概如西方丈前忽見浮陰四合微雨落又飛雲洶湧上走騰騰然諸
人皆在雲氣中只尺相失未幾夕日出光景鮮明餘雲變化半隱晦暮歸
方丈見白雲縹緲如帷幔數十幅自文殊殿東南來奔馬莫能追其閒樹
彩厓姿披露閃爍怪麗甚山風振蕩林木駭人若天地轟礮開震矣夜宿
方丈東軒未寢聞門月在空陰氛已開巖巖樹木殿閣相映頗悽涼予行
吟軒外幾夜半方眠曰覺襟懷蕭灑意氣雄壯如神仙中人也曉陰復合
予獨曳杖復往文殊殿雲光霧色衝奕勃鬱如元氣中西望川原莽蒼不
可見西巖西方丈皆爲烟雨晦藏秋風怒號疑鬼神交戰青林紅葉隱映
乍有無余歎曰生年三十局促城市閒不意今朝見天地偉觀以寒甚不
能久留乘雲氣而迴迨雨止復與諸人往西巖西方丈題詩且談笑良久
時日已中別寺僧而歸復過雲堂見梁秀巖瑀詩字畫亦美遂由舊路東
北往林間殘雨滴衣嵐氣烟霏交走橫喬背脊戀不忍去因共作龍山詩
又恐雨復作仍遲疑忽見平川晴色爛然行至水窮路益北一二里出林
回望龍山脊巍峻與天角又數十步忽見高崖峭壁決裂分張日光中映
如潑黛如接藍厓間有水光炯然如劍出匣射日四山樹葉炫人余與二
三子健蹻歡賞又作詩以紀之自此無深林大木行黃花紅葉中又二三
里行甚苦振撻方能進忽見孤峯聳天峯上磴攢擁牙角口鼻軒軒下一
峯放岫如劍諸人不覺失聲稱奇又作詩紀之回顧諸羅千態萬狀不可

碑紀路益下三四里至神谷谷中有泉出石罅漫然其流散漫出山外佳
東有神祠祠邊有樹余與二三子憩祠下題詩天已暮月上隨水聲行又
里餘方出谷又涉水乘月往咸謀宿野寺中明旦別壽卿予三人者歸渾
水烏乎余生山水間故有樂山水心然南游二十年所居皆通都大邑無
山林賞迫狹不自得今因北歸得游歷故山可勝快哉況于戈未已棲隱
爲上行當結屋山中覽天地變化之機而又讀書足以自娛著書足以自
奮浩歌足以自適默坐足以自觀逍遙澗谷傲睨雲林與造化爲徒與烟
霞爲友雖飯疏飲水無憾於中揆述實心可以出一世之外又何必高車
大蓋騁騎滿前方爲大丈夫哉因記○麻革游龍山記余生中條王官五
老之下長侍先人西觀太華迤邐東游洛回避地家焉如女几烏欄白馬
諸峰固已厭登飽經窮極幽深矣革代以來自雁門踰代嶺之北風壤陡
異多山而阻色往往如死灰凡草木亦無粹容嘗切慨歎南北之分何限
此一嶺地脈遠斷絕不相屬如是邪越既阻滯居延吾友渾源劉京叔嘗
以詩來盛稱其鄉泉石林樾之勝渾源實居代北余始而疑之雖然吾友
著書立言新信于天下後世者必非誇言之也獨恨未嘗一游焉今年夏
因赴試武川歸道渾水脩謁于玉峰先生魏公公野服蕭然見余于前軒
語未周決驛及是郡諸山若南山若柏山業已游矣惟龍山爲絕勝姑缺
茲以須諸文士同之下幸來殊可喜乃選日爲具拉道賓友騎自治城西
南行十餘里抵山下山無麓乍入谷未有奇溪曲折行數里草木漸秀
潤山竦出巔然露芒角水聲踴然鳴兩峯間心始異之又盤山行十許里
四山忽合若拱而揖環而衛者嘉木奇卉被之葱蒨醞郁風自木杪起紛
披震蕩山與木若相顧而墜者使人神駭目眩又行數里得泉之泓澄淳
滴者焉洑出石罅激而爲迅流者焉陰木蔭其巔幽草綠其趾賓欲休咸
曰莫此地爲宜卽下馬披草踞石列坐諸生淪茗以進酒數行客有指其

西大石曰此可識因命余余乃援筆書凡游者名氏及游之歲月而去又
行十許里大抵一峰一盤一溪一曲山勢益奇峭樹木多杉檜栝柏而無
他凡木也溪花種種金間玉錯芬香入鼻幽遠可愛木蘿松鬚寄人衣袖
又繁紆行數里得岡之高遠陟而上馬力殆不能勝行茂林下又五里兩
嶺若岐中得浮屠之居曰大雲寺有僧數輩來迎延入館于寺之東軒林
樹樹石櫺比栝立皆在几席之下慈過午謁主僧英公相與步西嶺過文
殊巖巖前長杉數本挺立有磴懸焉下瞰無底之壑危峰怪石巉岈巧關
試一臨之毛骨豈豎南望五臺諸峰若相聯絡無間斷西北而望峰豁而
川明村墟井邑隱約微茫如弈局然徜徉者久之霞淥入西方大觀故俟
同知還使雷君詩石及京叔諸人題題迴乃徑北嶺登蒼苔坡蓋龍山絕
頂也嶺勢峻絕無路可躋步草而往深窮且滑甚攀緣捫蘿疲極乃得登
四望羣木皆翠杉蒼檜凌雲千尺與山無窮此龍山勝槩之大全也降乃
復坐文殊巖下置酒小酌日既入輕烟浮雲與暝色會少焉月出寒陰微
明散布石上松聲翳然自萬壑來客皆悚視寂聽覺境愈清思愈遠已而
相與言曰世其有樂乎此者與酒醺談辯繚繞各主其家山爲勝如郭主
太華劉主茲山余主王官五老更嘲迭難不少屈玉峰坐上坐亦怡然一
笑詩所謂善戲謔兮不爲虐者政如是也至二鼓乃歸臥東軒明旦復
來各有詩議于石迨午飯主僧丈室已乃循嶺而東歷其微木蒼茂密僅
可通馬行又五里至玉泉寺山勢漸頽臨樹林漸稀闊顯非龍山比寺西
峰曰望景臺險甚主導客以登歷巖坐盤石其傍諸峰羅列或隱或立
或將仆墜或屬而合或離而分實奇獻異不一狀北望川口曠寬肆金城
原野分畫條列歷歷可數系乾一水紆繞如玦觀覽曠達此玉泉勝處也
從此歸路險不可騎皆步而下重巒峻嶺愈出愈奇抵暮乃得平地宿李
氏山家臥聽溪聲之聲與夫昔所經見而不能寐若太華之雄尊五老之

巧秀女兒之婉嚴烏權白馬之端重茲山固無之至于奧密淵邃樹林蒼蔚繁阜不一覽而得則茲山亦其可少哉人之情大抵得于此而遺于彼用于所見而不用于所未見此通患也今中書令湛然公紀西域事稱金山之秀李子微貽友書論和林之勝有過于中州者不知天壤之間六合之內復有幾龍山也因觀山子是乎有得徒以文思淺狹且游之至無以盡發山水之秘異時當同二三友幅巾藜杖于子而行遇佳處輒留更以筆札自隨隨得隨紀庶幾茲山之髣髴云已
亥歲七夕後三日王官麻革爲之記同游者

曩予尉大梁得交此州雷與劉自聞兩公誇南山每恨南海
北海風馬牛老龍面目今日始一見更信造物工雕鏤是時
山雨晴平田綠油油並山涼氣多況得通深幽山泉谷口出
迎客石罅戛擊琳琅球蜿蜒入微行漸覺藤蘿罥衣樹打頭
惡木拉攏棲直幹比指稠石門無風白日靜自是林響寒飈
颭一峯忽當眼仰看看不休一峯一峯千百峯雖欲一一顧
捐知無由金城偃蹇不得上瑤壑回合如相畱苔花萬錦石
丹碧爛不收天關守虎豹武庫開戈矛小山隨起隨偃仆獨

立千仞絕頂縹緲之飛樓百花岡頭藉草坐瀟灑正值金蓮
秋亭亭妙高臺玉斧何年修登高攬元化快如鷹脫鞵山靈
故爲作開闢巧與詩境供冥搜白雲何許來纖絲弄輕柔蓬
蓬作霧湧飄飄與煙浮玉衣仙人鞭素蚪翕忽變化令人愁
須臾視六合浩蕩不可求初疑陶輪比運甓今悟夜壑眞藏
舟劫石拂未窮杞國浪自憂斷鼇立極萬萬古爭遣起滅如
浮漚快哉萬里風一掃天四周誰言太始再開闢日馭本自
無停輟舉手謝山靈就無清涼臺相非神羞賤子貪名山客
刺已屢投黃華挂鏡臺天壇避秦溝太山神明觀二室汗漫
游胸中隱然復有此大物便可揮斥八極隘九州玉峯有佳
招絕唱須一酬爲君探囊擲下珊瑚鈎白雲相望空悠悠異
時華表見老鶴姓字莫忘元丹丘

雷劉即希顏雲卿並歷州渾源人○劉因靜修遺詩示孫儲詩龍山古壯哉鬱鬱晚

虎耽耽劉氏遺讀元子詩冷然玉泉甘江山勝處要佳客而我不應懷瑤璽郭璞并賦瑤璽武庫儲光義詩千獨立少陵脫鞵韓愈

君得所附勢如脫鞵素蚪甘泉賦駟蒼陶輪維摩經善薩斷取三千大千世界如陶揮

斥列子夫至人者揮玉峰案魏瑤字邦彥號玉珊瑚杜甫詩文元丹邱李白

歌元丹邱好神仙朝飲潁水之清流暮還高岑之紫烟

醉中送陳季淵

刺源集陳季淵詩集序云昔年嘗為人賦海東青詩有

予記之不能忘比來江東夾谷子括都事以使杭經過席間及前詩始知為晴亭陳季淵所作季淵京兆人與遺山元裕之同輩遺山盛推下之他詩文極多海青詩所雲外尚餘七章皆清豪可諷既而子括云歸杭將倡率朋友之知晴亭者盡刻其所藏以傳今郡守朱侯適同其語欣然屬意以為不煩他人遂下讀學官為之景敘釐正登載版本凡得古賦一首古詩六律詩九十四絕句七樂府三○秋澗集陳季淵挽章三章至元十一年十二月望陳季淵子次翁道出平陽以其父季淵喪來告且乞詩哀挽放勉為賦此云筆頭詩話便盤空詩自工來老更弱玉片驚傳修月手且評痛絕所雲翁幽穿洞穴愁山鬼壯極秋濤駕颶風千古杜陵原上月一邱分照渭城東大駕西巡始拜公從容尊酒兩都同杖歸河朔忠猶壯語到秦川氣更雄蓮府晴波奇策在杜陵殘月草堂空傳家儘慰元龍望湖海諸郎有父風憶應龍旗狩蜀年渡江詩並選錄先江花冷墮波神泣醉

袖來披玉井蓮已訝羽淵淪老月遠教風骨
悶重泉緬懷春草池塘典雨夜分明悽惠連

寒食不數日天氣殊未佳翩翩金門客行行指龍堆朝發忻
城暮隴頭隴頭地寒無草芽拂雲堆邊春更晚雪花茫茫揚
白沙紇千山高凍煞雀榆葉離離小叢薄愛君只欲苦死留
不道南飛何所樂書生弓馬能幾何乃今寶校金盤隨孔璋
文筆妙天下勅勒不數陰山歌向年賦奇雨擁海驅雲筆頭
注快如懷素書布障狂笑劉叉寫冰柱李汾王鬱俱灰塵天
意乃在潞陽陳舌吐萬里唾一世眼高四海空無人殲民假
息仍瘡痍誰作東山謝安起恨我不比長桑君一月觴君上
池水眼中之人不易忘誰作冰炭置我腸衰顏明鏡兩寂寞
別意春江誰短長但願年年見顏色與君連日醉壺觴

龍沙

案下文雪花茫茫揚白雪下雪字益甫本作沙固是第與
此文龍沙韵複且與佳字不叶當爲堆字之譌今改正

拂雲堆

雲中志
拂雲堆

在古豐州西六里有昭君冢凍雀古樂府紇干山頭凍雀何不飛去生處樂寶校杜甫歌星驥寶校金盤陀注馬裝也勅勒歌

見樂府字飛伯工詩王鬱樂府詳六卷激陽案激即澹水之長桑君史記扁鵲傳長桑君乃出其懷中藥予扁鵲飲

是以上池之水三十日自當知物矣

送弋唐佐還平陽

我從商餘之山過庵羅聞君六經百家富研摩會最上指冠
巍峩豈肯俯首春官科覃懷變生十載後我時避兵方北走
通家弋宋其有無行輩許之爲老友晉州一書君肯來握手
大笑心顏開春風著人不覺醉快卷更須三百杯鶴骨齋飛
法當壽況是丹房藥鏡畱心久崑崙神泉漫木芝乞與餘膏
潤衰朽天府學士登瀛洲松頂仙人垂直鈎愛君直欲抵死
畱自言世事非所求千古黃金鑛中淚不獨盧仝并馬異蘇
州韋郎交分深香山白傅金玉音借渠兩詩寫我心相知非

不多但苦心不同同心一人去坐覺長安空離愁何從生
從情愛中不見行路人拂袖自西東汾流滔滔兮日千里青

眼高歌吾老矣

寶豐山中有唐羅寺唐佐嘗從程內翰天益問學于此

會最

莊子友離疏者會撮指天注會撮項椎也又云髻也古者髻在項中脊曲頭低故髻指天也

覃懷

禹貢覃懷底績孔傳近河地名

晉州

地志晉州與定四年以壽陽縣西張寨置

藥鏡

參同契因看崔公入藥鏡令人心地轉分明

金鑛

盧仝詩白玉璞與剎出相思心黃金鑛裏鑄出相思

淚吾老矣

杜甫詩眼中之人吾老矣

游泰山

泰山天壤間屹如鬱蕭臺厥初造化手辦此何雄哉天門一
何高天險若可階積蘇與累塊分明見九垓扶搖九萬里未
可誣齊諧秦皇憺威靈茂陵亦雄材翠華行不歸石壇滿蒼
苔古今一俯仰感極令人哀是時夏春交紅綠無邊涯奇探
忘登頓意愜自遲回惜無賞心人懽然盡餘杯夜宿玉女祠

崩奔湧雲雷山靈見光怪似喜詩人來雞鳴登日觀四望無
氛霾六龍出扶桑翻動青霞堆平生華嵩遊茲山未忘懷十
年望齊魯登臨負吟鞵孤雲拂層崖青壁落落雲間開眼前
有句道不得但覺胸次高崔巍徂徠山頭喚李白吾欲從此
觀蓬萊

天門

封禪儀記仰視天門竅遠如從穴中視天直上七里

日觀

又東山名日觀者雞一鳴時見日始欲出長三丈所

付阿駝誦

元史商挺傳子琬字台符阿駝其小字也

昨得商子書知有阿駝名今朝見阿駝驚喜喜復驚迺翁雅
望傾漢庭仕才千石埋九京我知渠孫不虛生虎穴生虎子
墮地骨骼成舉頭爲城尾爲旌幾人雄猛得寧馨繡衣青春
佳御史路人望見行且止老夫從旁當說似前日晦道堂前
小兒子雷動風行自應耳藜藿不采今其始

商子

名挺字孟卿

乃翁

名衡字平叔正大中為監察御史

九京

案京原古通真庭堅詩百不一試理九京押庚韵

虎穴

後漢

班超傳不入虎穴不得虎子

頭尾

李賀猛虎行舉頭為城掉尾為旌

幾人

夢得句

寧馨

晉書王衍傳山濤曰何物老嫗生此寧馨兒

晦道堂

見十三卷詩

不采

漢書蓋寬饒傳鄭昌上書曰臣聞山有猛獸藜藿為之不采

游承天懸泉

溢水集游懸泉賦云庚午之冬九月既望趙子與客游乎承天之廢關置酒妒女祠影側千山暮蒼素月如拭形與

俱口响互答一談一笑超然自得○以下續編○地志河東北路平定州承天鎮

詩人愛山愛徹骨十月東來犯冰雪懸流百里行不前但覺
飛湍醒毛髮閒閒老仙去久石壁姓名苔蘚滑此翁可是
六一翁四十三年如電抹并州之山水所湫駭浪幾轟山石
裂只知晉陽城西天下稀娘子關頭更奇劇周南畱滯何敢
歎投老天教探禹穴君不見管涔汾源大車輪平泉丈八坡
璃盆不知承天此水何所本乃與沈瀆爭雄尊平地突出隨
崩犇洶如頽波射天門太初元氣未凝結更欲何處畱胚臙

素虬騰擲翠蛟舞袞袞後出皆鱣鯢雷車怒擊冰雹散石峽
峻滑蒼煙屯憑崖下視心魄動自媿氣衰筆老勝槩過眼無
由吞少東水簾亦瀟灑珠琲一一明朝瞰陽龍暗滋瑤草活
磐石自與蓮湯溫神祠水之許儀衛盛官府頗怪祠前碑稽
考失鹵莽吾聞允格臺駘宣汾洸障大澤自是生有自來歸
有所假而自經溝瀆便可尸祝之祀典紛紛果何取子胥鼓
浪怒未洩精衛銜薪心獨苦楚臣百問天不酬肯以誕幻虛
荒驚聾瞽自有宇宙有此水此水綿綿萬萬古人言主者介
山氏且道未有介山之前復誰主山深地古自是有神物不
假靈真誰敢侮稗官小說出閭巷社鼓邨簫走翁嫗當時大
歷十才子爭遣李諶鑱陋語石林六月清無暑人家青紅溼
窗戶射鹿有場魚有浦好築糟臺俯洲渚甕面柳瓢挹膏乳

醉扶紅袖別吳歌風雨不憂驚妒女

閑閑公守平定以大安庚午來游迄今壬子四十年矣土俗傳介

子推被焚其妹介山氏恥兄要君積薪自焚號曰妒女祠碑大歷中制官李謹所譏詞旨殊謬至有百日積薪一日燒之之語鄉社至今以百五日積薪而焚之謂之祭妒女云○日知錄引此詩注云此是千古正論

四十

東坡句閑閑集句用之遺山復用之

管涔

山海經管涔之山汾水出焉

暉

玉篇子羣切膜也

碧石蓮湯

李賀詩華

清源中鑿石湯太真外傳華清有蓮花湯即貴妃澡浴之所

精衛

山海經鳥名精衛是炎帝之女往游東海溺而不返常取西山木石以填東海

爲程孫仲卿作

繡褥錦爲褱蘭湯金作盆名駒出渥水萬馬浮雲奔參軍愛
友親弟昆御史風節海內聞諸郎楚楚皆玉立王謝定自超
人羣高樹出大根源清流不渾千年洛陽陌赫赫于公門外
翁老去住山村正要兒童侍酒樽他日新詩一千首不愁無
物餉吾孫

參軍

宋御史程君表父德元八子長曰鼎官濮州司候

壽張復從道

案從道爲張頤齋德輝子

鎮州城中金粟岡移來河東萬卷堂先生弦歌教胄子子亦
詩禮沾餘芳齒如編貝髮抹漆玉樹臨風未二十爲渠欲作
寫真詩老我慚無敬齋筆復也美材具璞玉未雕飾良工在
汝心苦卓與真積捧檄毛義喜受杖伯瑜泣親年當喜懼寸
晷真尺璧桓榮家世傳一經何患不蒙稽古力綵服庭闈趨
繡衣霄漢立但願頤齋壽金石歲歲年年作生日

敬齋

案敬齋卽李治仁卿

苦卓

法言或問顏亦有苦乎曰顏苦孔之卓

稽古

見後漢桓榮傳

元遺山詩集箋注卷五終